



石山先生像

觀茲狀貌。貌馬寒樵。其
 容和粹。其說清澹。心存
 仁。志好儒。言類已垂
 白。手不停披。平君不
 敢。干名而犯。辭交際不
 敢。口是而心違。事求
 免于流。依禮求合于先
 儒。謙約節儉。樂易疎
 忌。不來聞遠。甘守窮
 辱。為禮極。勿為勢。辨
 不知我者。謂我狂。其
 知我者。謂我坦。處
 德。顧我所行。未必盡合
 于道也。然遠矣。克念。惟
 又無愧于心歟。

石山先生自贊



國家圖書館, NATIONAL CENTRAL LIBRARY, TAIWAN, R.O.C.



試問林翁何名何氏細認來都不似好三分似得石山居士

一種心苗許多春意却不逐杏花飛去听傍人齊說是這

林翁盧扁再生今世 右錦堂春 鏡山李泮題

貌古心明言和行固咀英華以充日用之強恥奔競而却雲

霄之步學以為已是圖醫以濟人為務居窮不失其自熱

處變弗愆于常度所以為一代之偉人起四方之敬慕也

神顏其齒玉質丹唇襟度吞雲夢之澤英邁蓋蒼梧之雲夢

足以沂河洛之趣醫足以通岐黃之真出入造化弛張鬼

神悽情于煙霞泉石却步于雲路鵬程恩屬之論足以迴

狂瀾于既倒回天之術曾以拯天札于同仁國華神謨余

蓋得之萬一生死肉骨地不知其幾入魯莽之德未艾喬

松之壽方鑿是蓋盧扁之能契其妙而豈摩詰之能狀其

親地 門生石墅陳楠惟瓦拜題

石山醫案刻序

醫之有素其來遠矣若歷代明醫史傳之所以載其施

治之法神妙之效皆鑿鑿可考至丹溪之朱櫻寧生之

滑其傳皆出于名筆動數千言莫之既而於病之淺深

治之緩急功之大小昭然明甚思欲起其人而不可得

吾郡祁之汪石山儒醫也於素問則有補註本草則有

類鈔脉胗則有論著運氣則有提綱外科及針灸等書

則又俱有纂述蓋集古今諸名家之所長而為一大成

也乎其從事于醫殆四十餘載凡病家之未治者因勝

製方隨投輒效從游之士得於目擊者即手錄之以為

成法其邑西石墅陳楠氏實石山高第以其所錄者分
為三卷名曰石山醫案刻之梓以傳請于終老樓屬序
之夫病之見治於石山也如饑者得食而充渴者得飲
而解溺者得援之而登顛危者得扶持之而安蓋醫之
王道也使同生朱滑之時其抱負設施與之同驅並駕
未可必其或後先也後人視此不亦猶法家之有斷案
也哉引伸觸類延惠無窮其為慈孝之助多矣石山之
傳撰于鏡山其未及載者賴此以傳豈非後人之幸歟
石山名機字省之石山其號也庸備序之以詒觀者如此

嘉靖辛卯年閏六月中浣休寧率口程曾序

石山醫案卷之上

禁衛論

丹溪論陽有餘陰不足乃據理論人之稟賦也蓋天之日
爲陽月爲陰人稟日之陽爲身之陽而日不虧稟月之陰
爲身之陰而月常缺可見人身氣常有餘血常不足矣故
女人必須積養十四五年血方足而經行僅及三十餘年
血便衰而經斷陰之不足固可驗矣丹溪揭出而特論之
無非戒人保守陰氣不可妄耗損也以人生天地間營營
於物役役於事未免久行傷筋又立傷骨又坐傷腎又視
傷神又思傷意凡此數傷皆傷陰也以難成易虧之陰而

門生石墅陳楠惟宜較勘刊行

日犯此數傷欲其不夭枉也難矣此丹溪所以立論垂戒于後也非論治陰虛之病也若遇有病氣虛則補氣血虛則補血未常專主陰虛而論治且如產後的屬陰虛丹溪則曰右脉不足補氣藥多于補血藥左脉不足補血藥多于補氣藥丹溪固不專主于血矣何世入昧此多以陰常不足之說橫于胸中凡百諸病一切主于陰虛而于甘溫助陽之藥一毫不敢輕用豈理也哉雖然丹溪謂氣病補血雖不中亦無害也血病補氣則血愈虛散是謂誅罰無過此指辛熱燥烈之劑而言亦將以戒人用藥寧可失于不及不可失于太過蓋血藥屬陰而柔氣藥屬陽而剛苟或認病不真寧可藥用柔和不可過于剛烈也書曰罪疑

惟輕功疑惟重本草曰與其毒也寧善與其多也寧少之意正相合也雖然血虛補氣固為有害氣虛補血亦不可謂無害吾見胃虛氣弱不能運行血越上竅者多用四物湯涼血之藥反致胸膈痞悶飲食少進上吐下瀉氣喘嘔血去死不遠豈可謂無害耶是以醫者貴乎識病真耳或又曰人稟天之陽為身之陽則陽常有餘無待于補何方書尚有補陽之說予曰陽有餘者指衛氣也衛氣固無待于補而營之氣亦謂之陽此氣或虛或盈虛而不補則氣愈虛怯矣經曰怯者着而成病是也况人于日用之間不免勞則氣耗悲則氣消恐則氣下怒則氣上思則氣結喜則氣緩凡此數傷皆傷氣也以有涯之

氣而日犯此數傷欲其不虛難矣虛而不補氣何由行
或問丹溪曰人身之虛皆陰虛也若果陽虛則暴絕死
矣是陽無益於補也又曰氣無補法世俗之言也氣虛
不補何由而行是氣又待于補也何言之背矣耶子曰
經云衛氣者水谷之悍氣也慄疾不受諸邪此則陽常
有餘無益于補者也朱子曰天之陽氣健行不息故闕
得地在中間一息或停地即陷矣與丹溪所謂陽虛則
暴絕同一意也此固然矣使陰氣若虛則陽亦無所依
附而飛越矣故曰天依形地附氣丹溪曰陰先虛而陽
暴絕是知陽亦賴陰而有所依附也此丹溪所以拳拳
于補陰也經曰營氣者水谷之精氣入于脉內與息數

呼吸應此即所謂陰氣不能無盈虛也
也分而言之衛氣爲陽營氣爲陰合而言之營陰而不
稟衛之陽莫能營晝夜利關節矣古人於營字下加一
氣字可見衛固陽也營亦陽也故曰血之與氣異名而
同類補陽者補營之陽補陰者補營之陰又况各經分
受有氣多血少者有血多氣少者倘或爲邪所中而無
損益則藏府不平矣此內經所以作而醫道所以興也
譬如天之日月皆在大氣之中分而言之日爲陽月爲
陰合而言之月雖陰而不稟日之陽則不能光照而運
行矣故古人於陰字下加一氣字可見陽固此氣陰亦
此氣也故曰陰中有陽陽中有陰陰陽同一氣也周子

曰陰陽一太極是也。然此氣有虧有盈，如月有虧有缺也。聖人裁成輔相，即醫家用藥損益之義也。是知人參黃芪補氣亦補營之氣，補營之氣即補營也。補營即補陰也。可見人身之虛皆陰虛也。經曰：陰不足者補之以味，參芪味甘，能生血非補陰而何？又曰：陽不足者溫之以氣，參芪氣溫，又能補陽，故仲景曰：氣虛血弱，以人參補之，可見參芪不惟補陽而亦補陰。東垣曰：血脫益氣，仲景曰：陽生陰長，義本諸此。世謂參芪補陽不補陰，特未之考耳。予謂天之陽氣包括宇宙之外，即易所謂天行健，內經所謂大氣舉之者是也。此氣如何得虛虛則不能畜住地矣。天之陰聚而成形者，形者乃地之坤

也。故曰：天依形地，附氣可見。人身之衛即天之乾，人身之形即地之坤。營運于藏腑之內者，營氣也。即天地中發生之氣也。故以氣質言，衛氣爲陽，形質爲陰。以內外言，衛氣護衛于外，爲陽；營氣營養于內，爲陰。細而分之，營中亦自有陰陽焉。所謂一陰一陽互爲其根者是也。若執以營爲衛配，而以營爲純陰，則孤陰不長，安得營養于藏腑耶？經曰：營爲血而血即水。朱子曰：水質陰而性本陽，可見營非純陰矣。况氣者水之母，且天地間物有質者不能無虧盈，既有質而虧盈，血中之氣亦不免而虧盈矣。故丹溪以補陰爲主，固爲補營。東垣以補氣爲主，亦補營也。以營兼血氣而然也。

荅提李黃公如金所患書

生樸檉小材山林迂士其于岐黃之書盧扁之術僅惟得其糠粃而已升堂入室誠有所未能也茲蒙召置左右以備顧問夙夜祗惧惟恐弗堪雖然一得之愚不敢不盡是以忘其固陋謹述以聞古人所謂藹藹之言狂夫之語庶幾或有可采者也伏惟天寬地容海涵春育人不求備才不求全片言有取寸長必錄又且不作聰明不大声色靡恃其長毋執其見舍己從人不知有彼此之別使各得以紓其情也用上敬下相忘于勢利之場俾皆得以盡其辭也是知所言或謬殆必視如道傍善李啣而去之而已必不索我于形骸之外以言而見責焉然生侍側有日聆誨

已久因而察其受病之源詳其致病之因不過心過于勞而已何則心爲血主而血又所以養心血屬陰而主靜惟靜則可以生水故曰靜則生陰是也苟或心過于勞則主動而屬陽矣陽則火之象也故曰動則生陽丹溪亦曰諸動屬火動極火熾陽亢陰微血愈虧損而心失所養矣是以睡卧不寧夜夢紛紜職皆由于此也經云主閉藏者腎也腎主相火上係于心心既動勞則相火隨起而熱則流通矣是以閉藏之腎反暗流踈瀉而夢遺精滑之疾有所不能免矣望書所謂情動于中精淫于外是也經云東方實西方虛心勞火動則西方之金愈虛而東方之木愈實脾土得不爲之傷乎脾土既傷是以上或爲嘔下或爲

瀉中或畏食之病莫不層出而疊見矣。由是探本索元其
初固在于心而支流餘裔不免延及他藏而亦有所損也。
又嘗參之以脉夫左寸心脉所出也或時而浮洪或時而
歛小蓋由心之勞逸不常以致脉之大小無定勞則心動
而火熾故脉爲之浮洪而躁擾逸則心安而氣和故脉爲
之歛小而恬靜。所可喜者肝腎二部脉靜而有常久而不
變是知相火雖或有時而動而勢未至于燎原也。故今病
未即瘳而終有可瘳之理邪未即伏而終有可伏之機尚
復何慮之有。右手三部肺脾命脉之所出也亦或浮而稍
洪又或小而稍弱良由火來侮肺又乘于脾遂延及命門
以致然耳。故曰火性躁擾強越其燔灼之禍無不着于物

也。或時小而稍弱者蓋有熱之陰血陽氣未免爲火暗傷
而陰損故火旺之時脉必浮洪而獨見火象及火靜之後
則邪伏而虛見矣。脉之必浮洪者寧不基于此乎。或曰血
爲火銷吾固聞其說矣。而氣爲損之以爲助何謂亦傷其
陽乎。經曰少火生氣壯火食氣夫少火固可以生氣而壯
火火之旺甚也安得不食其氣而損之乎。又曰熱傷氣故
暑月多致人無氣以動怠惰嗜卧可見火之傷氣不待辨
而明矣。又何疑之有哉。生于是察其脉切其病反復精思
參互考証其所治之方無出于八物湯之外也。或者專主
四物滋陰加黃柏知母玄參生地之屬以降火。此固一說
也。未免寒傷胃氣而嘔瀉畏食之病莫能去矣。或者專主

四君子以養陽加溫煖消導燥熱之劑以助胃此亦一理也。未免陽剛傷陰而夜夢遺精之患不能除矣。求其萬舉萬全而無一徧之害者。還當以八物為主。一則可以養陰而心火不至于太熾。一則可以養陽而脾土不至于太傷。其他清金降火安神固腎之藥。又當因其時月之宜酌其病之輕重更相出入。逆爲佐使。庶得變通之妙而免執中無權之誚矣。守此以治而謂病之不痊。吾未之信也。抑猶有說焉。夫人生氣交之中。孰能無欲。所謂欲者。非特色欲之欲。凡耳之于声。目之于色。鼻之于臭。口之于味。皆所謂欲也。周子曰。欲動則情熾。熾從火則火之熾可知矣。丹溪所謂諸動屬火。其原蓋出于此。故聖賢教人不欲。窒慾

則曰寡欲。此善治乎火也。不此是務而惟日以百憂感其心。萬事勞其形。惟恃刀圭之劑以求旦夕之功。是謂舍本而逐末。徇外以遺內也。豈自根自本之論哉。今之所患誠能內觀以養神。存心以養性。則水可升火可降。坎離交而地天泰矣。又何待于籠中物耶。且胃氣者清純中和之氣也。凡藥之氣皆偏。非若五谷可常食也。苟不知此而惟藥之是耽。則胃氣之存者幾希矣。有志養生者不可以不謹。生旣以症治之方而詳之于前。復以存養之要而申之于後。無非致其叮嚀忠愛之意也。伏乞高明議之以訂是否。

條答福建舉人謝邦實所患書

一所示大便多燥而色赤。揭意燥赤亦熱所爲。

大便燥赤固熱所爲亦挾血虛蓋大腸屬陽明燥金血旺則便潤血少則便燥且腎主大便而亦屬血也由此論之則血虛兼熱爲兩盡矣

一所示夜卧少寧舌生黑胎唇口焦燥靜養服藥二三日胎始退不知降火去胎之藥更有何方法唇舌焦乾更何調理

此項數病皆生于心何則心主血脉心血一虧則陽熱隨起故夜卧不寧唇舌焦燥黑胎之病層出而疊見矣且舌乃心之苗心火亢極故舌生黑胎靜養二三日而始退者蓋靜養則陰生陰生則陽伏矣周子所以定之以中正仁義而主靜者良以此也降火去胎潤唇滋燥

之華恐無出于四物再加麥門冬五味黃柏知母之屬一所示目力亦短五步之內於人多不能識直視天日惟濛濛紛紛白花矣白精血縷不斷睡醒反漬淚

東垣云能遠視不能近視氣有餘血不足也能近視不能遠視血有餘氣不足也今貴目旣不能視遠又不能視近此氣血俱不足也直視天日惟見白花白花乃肺之象何則肺爲氣主屬金而燥肺金一虛火來易侮且天與日皆陽火也虛金受侮于天日之陽火故白花紛散漫而見于前矣白精血縷不斷睡醒反漬淚者屬于肝火之動也經云肝熱甚則出淚是矣所治之方要當滋腎水以制火保肺氣以畏木則眼中諸疾雖不期愈

而自愈矣。然加減補陰丸正與病對，先生宜詳審之。
一所示腎衰甚，不敢勞動，惟有患則腰足痠痛，或右腎
痠疼，或久立或勞皆然。意區區氣病居多，故所患右躰
偏多見鬚白、眼赤多，自右爲甚。

夫人之一身氣血周流，細而分之，則氣屬于右，血屬于
左。氣屬于右，則右躰不免氣旺而血劣也。且先生亦中
年已後，血氣日減，加之右躰氣旺血劣，宜乎腰足痠疼。
右腎時痛，鬚白眼赤之症，多見于右也。補腎藥方亦無
出于加減補陰丸。燕生當別楮以呈。

一所示勞倦時小便旁射，散逆如絲，不得順直，意皆氣之
不足，藥之不專，勞而失養，然歟。

此條先生以爲氣之不足，藥之不專，勞而失養之所致。
以予觀之，誠不出此三之外。但先生徒托諸空言，不見
諸行事，是以病根不除，時作而時止矣。

一所示近來腰復微痛，坐久屈伸不便，右側腰腿相接處
自環跳穴旁多酸痛。

夫腰者腎之外候，蓋由腎水衰虛于內，以致腎之外候
或微痛，或屈伸不便，或環跳穴旁酸痛也。環跳雖屬膀胱
膀胱亦腎之府，未有藏病而府不病也。

一示孤骨下間有火熱，或升于右脚股一團，二指許，有時微熱如灯照。
丹溪有曰：火自湧泉穴起者，乃火起自九泉也。孤骨頰
亦屬于膀胱，與腎相爲表裏，而又近于湧泉，即此觀之。

是亦腎水衰少不足以制火而火起于九泉之類也此宜滋養腎水以制妄火經云滋陰水以制陽光是也

疫

此症亦脈細弱而惡寒自汗脈微者極危又由疫毒及內傷是皆用辛溫透表佐以苦溫行理其症可區仍宜用此藥提邪氣而以香薷補寒中宜上下而通腸下注者不偏手

一人年弱時房勞後忽洒洒惡寒自汗發熱頭背胃腕皆痛唇赤舌強嘔吐眼胞青色豎投補中益氣午後譫語惡熱小便長初日脈皆細弱而數次日脈則浮弦而數豎以手按臍下痛議欲下之遣書來問予曰疫也疫兼兩感內傷重外感輕耳臍下痛者腎水虧也若用利藥是殺之也古人云疫有補有降有散茲宜合補降二法以治別清暑益氣湯除蒼朮澤泄五味加生地黃芩石膏服十餘貼而安

瘡

邑人汪大尹年幾七十形色蒼白勞倦病瘡瘡止胸膈痞悶心惡痰多不思飲食懶倦口苦頭痛夜夢紛紜兩腿時癢予為診之脈皆浮濡無力且過于緩醫書云脈緩無力者氣虛也又云勞則氣耗又云勞倦傷脾脾傷不能運化精微以養其心故心神為之不安宜倣歸脾湯例治之人參二錢麥門冬白朮各一錢歸身酸棗仁茯苓各八分黃芩陳皮各六分枳實甘草各五分川芎七分煎服二貼夜臥頗安但藥後覺嘈食則吞酸口淡痰去枳實加山查七分吳茱萸二分服之仍用參朮歸朮山查山查丸服而愈

一人年逾四十形瘦色紫淡素勞傷脾予令常服參苓白
朮散獲安住藥一年復勞飲冷酒不爽是夜頭又被濕
遂致身冷不安早起面目俱黃益用零筋草根酒煎服
之吐瀉大作又加姜煎則心熱膈壅不進飲食大便秘
結瘧作胸膈痞塞粥飲不入食此湯則暖此氣哕逆吐
涎意向其甚惡予診左脉浮濡無力肝脉頗弦右脉肺部
浮最脾部浮微二部脉皆似有似無或呼吸相引又覺應
指曰此脾虛之極也初因勞熱飲冷頭又眩濕內熱因
鬱故發為黃若用檳藥以泄上焦濕熱則黃自退乃用
草藥酒煎濕熱雖行而脾氣存也幾希且勿治瘧當用
補脾為急用人參五錢橘紅一錢時時煎湯呷之令其

且莫食粥以回胃氣彼如所言旬餘乃愈

一人年逾四十不肥不瘦形色蒼白季秋久瘧醫用丹劑
一丸止之嘔吐不休粒米不入大便或瀉面赤妄語身
熱予診脉皆浮而欲絕仲景云陽病得陰脉者死今面
赤身熱妄語其症屬陽而脉微欲絕則陰脉矣此一危
也經曰得谷者昌失谷者亡今粒米不入此二危也又
曰泄而熱不去者死今數泄瀉而面赤身熱不除此三
危也以理論之法在不治古人云治而不愈者有也未
有不治而愈者也令人參五錢白朮二錢御米一錢
橘紅八分煎服四貼漸有生意

一人年近三十形瘦淡紫八月間病瘧予診之左脉頗和

而駛右脉弱而無力令用清暑益氣湯加減服之覺胸膈痞悶遂畏人參更整作瘡治而瘡或進或退服截藥病稍增延至十月復邀予診脉皆浮小而濡帶數右則尤近不足曰正氣又虛邪雷不出瘡尚不止也宜用十全大補湯減桂加苓倍參服之漸愈

一人年逾三十形瘦色蒼八月間病瘡或用截藥或用符水延纏不愈胸膈痞滿飲食少進大腸痔血小便短赤瘡發于夜寒少熱多自汗予診左脉濡小而緩右脉濡弱無力曰此火瘡傷脾也用人參二錢白朮歸身茯苓各一錢芍藥八分黃苓七分枳實五分陳皮六分甘草四分煎服後因痔血未止吞槐角丸而血愈多仍服前方

而血減矣

一婦面色淡紫年過四十九月病瘡夜發渴多汗嘔吐粒食不進數日予診脉皆浮濡而緩按之無力遂用人參五錢橘紅八分甘草七分白朮一錢煎服十餘貼瘡止食進漸有生意但大便二十日不通再診右脉浮小無力左脉沉弱無力前方加歸身一錢火麻仁錢半如舊煎服病除

一婦年逾三十瘦長淡紫六月產八月瘡瘡止胸膈痞悶絕勞氣喘咳血身熱脚冷予診左脉濡弱右脉肺部頤洪關尺二部亦弱以生地黃白芍麥門冬白朮各一錢阿膠歸身牡丹皮各七分人參八分陳皮五分煎服一

貼再令熱服瀉止膈快但盜汗而脚即軟矣前方加黃芪錢半黃栢七分依前煎服而安

一人年三十形色蒼白因勞感熱九月盡病瘡頭痛口渴
嘔吐胸膈痞塞不進飲食自汗倦怠熱多寒少壅用截
藥病增過飲水吐甚予診脉皆浮大而濡頰弦曰此勞
倦傷脾熱傷氣之瘡也令人參三錢黃芪錢半白朮
麥門冬各一錢枳實五分山查七分歸身黃栢知母各
七分乾姜甘草各三分煎服三貼病減復勞病作前方
人參加作四錢服之向安

一人年三十久瘡壅用補中益氣湯或止或作延及半年
因解髮結勞傷咳嗽壅以前方加半下五味遂致喉痛
聲啞夜不能寢邀予視之右脉浮濡左脉小弱曰經云
陰火之動發為喉痺是也此必色欲不謹久服參芪徒
增肺中伏火耳令以甘桔湯加鼠粘子蜜炙黃栢煎服
二貼喉痛除而声出繼服保和湯五貼而安

一人年三十餘形瘦淡紫素勞久瘡三日一發于夜嘔吐
熱多寒少不進飲食小便頻數氣喘咳嗽日夜不坐不
能伏枕幾月矣頭身骨節皆痛壅作瘡治病者皆危
之脉皆浮虛緩弱而不甚大予以參朮加陳皮黃栢枳
實知母麥門冬北五味煎服三貼病退越二日復病令
用四物加童便服之則嗽除喘止始能就卧再用八物
湯除茯苓加枳實香附又用枳朮丸加人參砂仁歸身

黃芩吞服調理熱來常服童便半年而安

一婦形色脆白年五十餘憂勞六月背瘡文多百餘壯瘡散病瘡身熱自汗口渴頭暈嘔吐泄瀉不進飲食寒少熱多自用清暑益氣湯病甚予診左脉浮微似有似無右脉浮小按之不足曰病須屬瘡當作虛治依方而用清暑益氣固與病宜但邪重劑輕病不去耳令以參朮加作五錢芪三錢茯苓一錢陳皮七分甘草五分煎服病退

一人于嘉靖九年因冒風病瘡熱多寒少頭痛倦怠食少自汗已服參蘇飲一貼子適在彼診之脉皆浮虛近駛曰此虛瘡也非參蘇飲所宜令將平日所服參芪歸朮

等藥煎服五六貼而愈且論之曰元氣素虛不宜發散凡遇一切外感必須以補元氣為主少加發散之藥以輔佐之庶為允當宜永識之

一婦常患咳嗽加以瘡疾因仍左脇有塊瘡止有孕嗽尚不寧喉乾痰少或時嘔出頑痰鐘許方止夜亦如是常覺熱盈胸膈壅滿背心亦脹常要打摩妊已六月夜半如廁身忽寒戰厚覆少頃乃愈越兩日夜半又發寒熱如瘡肢節痛上身微汗口中覺吐冷氣胸喉如有物礙心前虛腫按之即痛頭痛氣喘坐卧不寧盜作傷寒發散又作痰症而用二陳不効予往視之脉皆濡而近滑曰胃虛血熱也先以四君子湯加黃芩枳壳麥門冬煎服

二三貼以保胃氣繼以四物湯加煥榔枳壳麻仁大黃
三服下之遂滯下後重虛坐努責怠倦不食時或昏悶
亂叫食則脹不食飢四肢痛脚腫予曰胃虛非湯藥所
宜令合枳朮丸加人參當歸黃芩服月餘諸症悉除胎
亦無損

一人形瘦色脆年幾三十正德十年四月腹痛惟覺氣轉
左邊五日而止次年四月亦然八月病瘥間日一發寒
少熱多十餘日止第三年四月八月如舊腹痛瘥作四
年五年四月八月亦然但瘥作腹痛瘥止痛止旬餘瘥
除又瀉痢十餘日瀉止瘥又作但不腹痛五日瘥瘥仲
冬感寒頭痛發熱腹及右脇脹痛氣喘溏瀉內黑外紅

日夜五六次內熱不減飲食難進盥用三乙承氣湯二
貼繼用木香枳朮丸諸症稍定午後內熱愈熾遇食愈
脹得瀉畧寬頭痛不減詣予診治脉皆浮濡近駛曰氣
屬陽當升虛則下陷又屢服消剋攻下之劑所謂虛
其虛也安得不脹而頻瀉乎經云下者舉之其治此病
之謂歟或曰脹滿者氣有餘也積塊者氣因結也經云
結者散之有餘者損之今有餘而補固結而益何謂予
曰人身之氣猶天之風風性剛勁楊沙走石孰能禦之
孟子曰至大至剛是也餒則為物障蔽反以為病若能
補養以復其剛大之性則衝突排蕩又何脹滿不散積
塊不行經曰壯者氣行則愈怯者著而成病是也蓋氣

之強壯者則流動充滿或有積滯亦被衝突而行散矣
何病之有氣之怯弱則力小遲鈍一有積滯不免因仍
承襲積着成病故此病法當升陽益胃遂以參苓白朮
散煎升麻湯調服月餘仍令丸服一料而愈

一人形瘦色脆年三十餘八月因勞病瘡寒少熱多自汗
躰倦頭痛胸痞畧欬而渴惡食大便或秘或溏發于寅
申已亥夜盜証欲從丹溪用血藥引出陽分之例治之
予診其脉濡弱近駛稍弦曰察形觀色參脉乃屬氣血
兩虛瘡已深入厥陰矣專用血藥不免損胃又損肺也
淹延歲月久瘡成癆何也自汗嗽渴而蒼木白芷豈宜
例用惡食胸痞而血藥豈能獨理古人用藥立例指引

迷途其因例違變在後人推廣之也遂以補中益氣湯
加川芎黃柏枳實神麩麥門冬倍用參芪木煎服三十
餘貼諸症稍除瘡猶未止乃語之曰今當冬氣沉潛瘡
氣亦因之以沉潛難使浮達况汗孔亦因以閉塞經曰
瘡以汗解當此閉藏之時安得違天時以汗之乎且以
參朮枳實陳皮煇身黃芩丸服胃氣既壯來年二月瘡
當隨其春氣而發泄矣果如期而安

八年三十形色頗實初因舟行過勞受熱咳嗽不已續
又病瘡素有熱淋求整服藥或作或輟回家予為診之
脉皆濡弱近緩左尺畧駛曰此熱傷氣也肺為氣主氣
傷肺亦傷矣故發咳嗽其瘡亦因熱而作令人參錢

半白木麥門冬茯苓各一錢歸身知母各七分青皮黃
芩甘草各五分煎服而安九月復舟行過勞感熱其瘡
復作或一日一發或二日一發或三日一發或連發二

日回家豎作瘡治不效仍用前方煎服遂安
一八年三十六月因勞取涼夢遺遂覺惡寒連日慘慘不
爽三日後頭痛躁悶家人診之驚曰脉絕矣誼作陰症
欲進附子湯未決邀予往治曰陰症無頭疼今病如是
恐風暑束虛入于陰分故脉伏耳非脉絕也若進附子
湯是以火濟火安能復生姑待以觀其變然後誼藥次
日未末申初果病寒少熱多頭痛躁渴痞悶拒食自汗
大便或瀉或結脉皆濡小而駛脾部蕪弦此非尋常驅

瘡燥烈劫劑所能治遂用清暑益氣湯減蒼朮升麻加
柴胡知母厚朴川芎以人參加作二錢黃芪錢半白木
當歸各一錢煎服二十餘貼而愈

本縣二尹大人北人形長冠偉年逾四十六月舟中受熱
病瘡寒少熱多頭疼躁渴汗多蚤用七保飲治之不愈
予診其脉浮濡而駛略弦曰此暑瘡也以白虎湯加人
參三錢煎服十餘貼而瘡止

待御程公形色清脆年餘四十素善飲形色蒼熱病頭痛
惡食泄瀉小便短少午後惡寒發熱蚤用二陳平胃五
苓其一服治不退反增腰腹拘急邀予診視脉皆濡弱
頗弦而駛曰耗血傷胃惟酒為甚復加以時熱外傷其

氣內外兩傷法當從補若用草菓棋榔常山半下燥烈之劑譬猶抱薪救火寧不益其病耶遂以人參二錢黃芪錢半以益皮毛不令汗泄白朮茯苓石膏麥門冬各一錢以導濕熱不使傷胃知母青皮神麴黃芩歸身川芎柴胡各七分以消積滯而和表裏少加甘草三分煎服十餘貼瘡止後以參苓柏散常服收功

一人年三十餘八月因勞病瘡請予診治脉皆六至而數無力曰古人云形瘦色黑者氣實血虛也又云脉數無力者血虛也間日發于午後亦血分病也以色脉論之當從血治但今汗多乃陽虛表失所衛消谷善飢乃胃虛火乘其土皆陽虛也仲景法有憑症不憑脉者茲當

憑症作陽虛治以參芪各三錢白朮白芍麥門冬各一錢歸身生地甘草各七分黃柏知母陳皮各五分煎服二十餘貼而安若用尋常驅瘡劫劑寧免後艱

予年逾六十形質近弱八月九月酷熱時往來休歎外有藥劑之功內有病者之憂內外弗寧晝夜不靜至十月初旬瘡作三日午後一發寒不甚寒熱不甚熱喜熱惡寒寒去熱來則爽快矣口乾微渴臨發昏倦嗜卧左脉沉小而數右脉浮濡無力亦近于數獨脾部弦而頗洪瘡去則脉皆大小浮沉相等惟竟緩弱而矣初服補中益氣湯十餘貼病無加減夜苦盜汗繼服當歸六黃湯黃芪每貼四錢五貼汗止瘡如舊再服白虎湯人參四錢

石膏三錢知母一錢甘草六分米一撮煎服十餘貼而瘡止矣

一人瘦長脆白年三十餘久瘡後盜汗自汗過多加以傷食吐瀉大作吐止而瀉四日不住筋惕肉瞤驚悸夢遺小便不禁予診脈皆緩弱右則畧弦而濡曰此下多亡陰汗多亡陽氣血虛也遂以參芪為君白朮為臣山枝麥門冬牡蠣為佐酸棗歸身山查為使加以薄桂煎服旬餘諸症稍退半年之間常覺臍下內熱一團烘烘不散時或夢遺浮梁孫登誼作熱驚固欲下之予曰此非有餘之熱乃陰虛生內熱耳若欲下之是殺之耳宜以前方加黃柏熱當自退果驗

一人年十七八時因讀書飢感寒得瘡延纏三年瘡愈寒氣勝左觸痛熱熨而愈乃或發或止後因新娶往縣復受飢寒似病傷寒也夜不止接服理中湯補中益氣湯固本丸補陰丸皆壯其吐或作或止飲食或進或不進續後受飢勞倦食則飽悶子至午前睡安畧爽食稍進午後氣升便竟脹悶胸膈瀉水嚮四肢微厥吐水或酸或苦亦有間日吐者大便燥結小便赤短身躰瘦弱不能起止予曰淚不見脈見症必是稟賦素弱不耐飢寒宜作飲食勞倦為主而感冒一節且置諸度外夫氣升脹悶觸痛者脾虛不能健運以致氣鬱而然胸膈瀉水聲謂之雷飲乃用獨參湯補養其氣血加

姜以安其嘔吐黃柏以降其逆氣初服三貼臍左痛除
吐止將人參加作一兩吐又復作此由補塞太過而無
行散佐使故也人參減作七錢附五分炮姜七分半下
八分蒼朮七分厚朴七分茯苓一錢服至二十餘貼吐
止食進餘病皆減頗喜肉味以手揉擦其肚尚有水声
汨汨微感寒腹中氣猶微動或時鼻衄數點近來忽瀉
二日而自止統住前藥又竟不爽前方加黃芪四錢山
枝七分減黃柏如舊前服或曰吐水或酸或苦大便閉
燥小便赤短諸書皆以為熱凡病晝輕夜重諸書皆為
血病今用姜附何也予曰吐水酸苦由脾虛不能行濕
濕鬱為熱而水作酸苦也姜附性熱辛散濕逢熱則收

鬱逢熱則散濕收鬱散酸苦自除大便燥結者由吐多
而亡津液也小便短少由氣虛不能運化也茲用人參
以養血氣則血潤燥除氣運通矣若用苦寒之藥則
苦傷血寒傷氣寧不愈益其病哉日輕夜重為血病者
道其常也此則不然須似血病而實氣病也豎作血病
而用固本補陰等藥反不解非血病可知所以日輕者
日則陽得其位而氣旺故病減夜則陽失其位而氣衰
故病重經曰至于所生而持自得其位而起是也故病
則有常有變而豎不可不達其變也病將愈猶或鼻衄
數點者此浮瀆之火也加山枝氣味薄者以潛伏之文
當自愈後聞食獐肉前病復作予曰臟腑習熟于藥病

亦見化于藥再無如之何矣

鼻衄流涕

一人形近肥而脆年三十餘內有寵妻三月間因勞感熱鼻衄久而流涕不休臭穢難近漸至目昏耳重食少躰倦盥用四物涼血或用參芪補氣罔有效者邀予診視脉皆浮濡而滑按之無力曰病不起矣初因水不制火肺因火擾涕流不休經云肺熱甚則出涕是也况金躰本燥津液日泄則燥者枯矣久則頭面諸湯之液亦因以走泄經云枯澁不能流通逆于肉理乃生癰腫是也予歸月餘面目耳傍果作癰瘡而卒後見流涕者數人亦多不救

痢

婦年逾五十病痢半載餘盥用四物涼血之劑及香連丸愈增胃脘腹中痛甚稟急後重下痢頻併暖氣亦或咳嗽遍身煩熱予爲診之脉皆細弱而數曰此腸胃下久而虛也盥用寒涼愈助降下之令病何由安經云下者舉之虛者補之其治此病之法欵遂以參朮爲君茯苓芍藥爲臣陳皮升麻爲佐甘草爲使研末每服二錢清米飲調下一日二次或三次遂安

一人八月病滯下盥用調胃承氣大承氣湯下之不利邀予視之面色痿黃食少無味大便不通惟後重甚痛脉皆細弱近滑右脉覺弱予曰此氣滯非血滯也盥用硝

黃利血宜其氣滯于下而愈不通矣遂令吞黃連阿膠
丸再用蓮子升麻白芍實黃芩枳壳歸身煎服而安後
用白朮人參二兩白芍陳皮山查各一兩爲末粥丸常
服調理

予元年逾六十蒼古素健九月患滯下予適出外自利
藥三貼病減延至十月後重未除滯下未止診之脉皆
濡散頗緩初用人參二錢歸身升麻白芍桃仁黃芩各
一錢枳榔五分煎服後重已除再減桃仁枳榔加白朮
錢半滯下亦定惟糞門深入寸許近後尾閭穴傍内生
一核如梅頗覺脹痛不爽予曰此因勞責氣血下滯于
此耐煩數日濃漬自安果如所言後服槐角丸痔痛如

故仍用人參三錢歸身升麻等劑而愈

脇痛

予婿王璠客揚州病脇痛醫以爲虛用人參羊肉補之其
痛愈甚頴江錢益治以龍會丸痛減予聞冒雪自蕪湖
徙行至彼診之脉皆弦濡而弱曰脾胃爲痛所傷尚未
復也遂用桐皮枳朮丸加黃連當歸服之而安越五年
腹脇揮痛彼思頗類前病欲服龍會丸未決予又衝寒
陸路至彼遂親扶持不成寐者數晚診之脉皆濡弱而
緩曰前病屬實今病屬虛非前藥可治也遂以人參爲
君芍歸芍藥爲臣香附陳皮爲佐甘草山枝爲使煎服
十餘貼痛止而食進矣又後十餘年來賀予壽病滯下

腹痛後重日夜四五十行診之脉皆濡弱近駛曰此熱傷血也以四物加枳榔大黃下之四五行腹痛稍減後重不除仍用前方除大黃服十餘貼續吞香連丸獲安三病予三起之其勞甚矣情須丈婿恩同父子不知彼以父視我乎以人視我乎

縣承年逾五十京回兩脇肋痛豎用小柴胡湯痛止續後復痛前方不効請予往治脉皆弦細而濡按之不足曰此心肺爲酒所傷脾腎爲色所損兩脇脹痛相火亢極肝亦自焚經云五藏已虛六府已極九候須調者死此病之謂歎果卒

鼓脹

一人年逾四十春間患脹豎用胃苓湯及雄黃傳貼法不効邀予診視脉皆緩弱無力曰此氣虛中滿也會通利否曰已下五六次矣予曰病屬氣虛豎反下之下多亡陰是謂誅罰無過也故脉經知其氣虛重按則無知其陰亡陽虛陰亡藥難倚仗八月水土敗時實可憂也乃問予曰今不與藥病不起耶嘗聞脹病臍突不治肚上青筋不治吾今無是二者予曰然也但久傷于藥故且停服明日遂歸如期果卒

一婦形瘦弱小脉細濡近駛又一婦身中材頗肥脉緩弱無力俱病鼓脹大如箕垂如囊立則垂墜遮攔兩腿有

礙行步邀予視之曰腹皮寬縫已定非藥可斂也惟宜
安心寡欲以保命爾後皆因產而卒或曰鼓脹如此何
能有孕予曰氣病而血未病也產則血亦病矣陰陽兩
虛安得不死又一婦瘦長蒼白年餘五十鼓脹如前二
婦頗能行立不耐久遠越十餘年無恙恐由寡居血無
所損故得久延

一人年踰四十瘦長善飲診之脉皆洪滑曰可治脉訣云
腹脹浮大是出也但濕熱大重宜遠酒色可保終年
遂以香連丸今日吞三次每服七八十九月餘良愈
人年三十餘酒色不謹腹脹如鼓遂用平胃散廣茂遺
聖湯不効予為診之脉皆浮濡近駛曰此濕熱甚也宜

貴

酒遠色庶或可生彼謂之曰藥子曰丸藥亦可遂以
枳朮丸加厚朴黃連湯婦人年高葉燒飯丸服一月果
安越三餘月不謹復腫再為診之曰不可為也臍突如
脹長二尺餘逾月而卒臍突寸餘者有矣長餘二尺者
亦事之異故為記之

壘中虫出

休邑西山金卒人嘗語人曰渠嘗病小腹甚痛百藥不應
一盞為灸關元十餘壯次日壘中淫虫而癢視之如虫
出四五分急用鉄鉗扯出果虫長五六寸連日虫出如
此者七條痛不復作初甚驚恐復則視以為嘗皆用手
扯此亦事之偶中也仲景云火力須微內攻有力虫為

火力所逼勢不能容故從溺孔出也其人善飲御內膀胱不無濕熱遇有雷血瘀濁則附形蒸鬱爲虫矣經云濕熱生虫有是理也故癆虫寸白虫皆由內濕熱蒸鬱而生非自外至者也正如春夏之交濕熱鬱蒸而諸虫生焉是矣此亦奇病故記之

身痒

一人年逾六十形瘦羸紫夜常身痒搔之熱蒸皮內肉羸如豈粒癢止熱散肉羸亦消矣豎用烏藥順氣升麻和氣等不効詣予診之脉皆細濡近駛曰此血虛血熱也豎爲順氣和氣所謂誅罰無過治非所宜遂以生地玄參白茯苓歸芍芪芍黃芩甘草陳皮煎服月餘而愈

膈噎

一人年六十逾色紫平素過勞好酒病膈食至膈不下則就化爲膿痰吐出食肉過宿吐尚不化也初卧則氣壅不安稍久則定豎用五膈寬中散丁沉透膈湯或用四物加寒涼之劑或用二陳加耗消之劑罔有効者來就予治脉皆浮洪弦虛予曰此大虛症也豎見此脉以爲熱症而用涼藥則愈助其陰而傷其陽若以爲痰爲氣而用二陳香燥之劑則愈耗其氣而傷其胃是以病益甚也况此病得之酒與勞也酒性酷烈耗血耗氣莫此爲甚又加以勞傷其胃且年踰六十血氣已衰脉見浮洪弦虛非吉兆也宜以人參三錢白朮歸身麥門冬

各一錢白芍藥八分黃連三分乾姜四分黃芩五分陳皮七分香附六分煎服五貼脉歛而膈頗寬食亦進矣

淋

一人形肥蒼白年五十餘病淋沙石澀痛盍用五苓或琥珀八政散之類病益加邀予往診脉皆濡弱而緩近駛曰此氣血虛也經云膀胱者津液之府氣化出焉今病氣虛不惟不能運化蒸滲而亦氣鎔不能使之出也經又云血主濡之血少則莖中枯澀水道不利安得不淋盍用通利血愈燥氣愈傷矣遂用大補湯加牛膝煎服月餘病減仍服八味丸除附子加黃芪服半月餘遂獲安

眼目

一婦年逾四十兩眼昏昧咳嗽頭痛似鳴而痛若過飢惡心盍以眼科治之病甚予診脉皆細弱脾部尤近弦弱曰脾虛也東垣云五藏六府皆稟受于脾上貫于目脾虛則五藏精氣皆失所司不能歸明于目矣邪逢其身之虛隨眼系入于腦則腦鳴而頭痛心者君火也宜靜相火化行其令勞役運動則妄行侮其所勝故咳嗽也盍不理脾養血而以苦寒治眼是謂治標不治本乃用參芪錢半麥門冬貝母冬一錢歸身八分陳皮川芎黃芩各七分甘草甘菊花各五分麥芽四分煎服二貼諸症悉除

白濁

一人年逾三十季夏日午房後多汗晚浴又近女色因患白濁益用胃苓湯加右眼作痛用物湯入三黃服之糖醒口愈加苦又加左膝腫痛仲冬不藥濁止漸次延至背痛不能轉側日輕夜重噤則如繩束撮腰脇痛不可忍呵氣亦應背痛或時夢遺次年正月請予診治脉皆緩弱無力左脉緩而畧滑曰此脾腎病也夫緩脾脉也緩弱無力脾虛可知左脉滑者血熱也遂以人參黃芪各二錢茯苓歸身麥門冬各一錢牛膝神曲陳皮黃柏各七分甘草五味各五分煎服三十餘貼仍以龜板參苾黃柏各二兩熟地山茱萸枸杞杜仲歸茯苓牛膝各二兩丸服而愈

咳嗽

一人形長色蒼瘦年逾四十每遇秋涼病痰嗽氣喘不能卧春暖即安病此十餘年矣益用紫蘇薄荷荊芥麻黃等以發表用桑白皮石膏滑石半夏以疏內暫雖輕快不久復作予爲診之脉頗洪滑曰此內有鬱熱也秋涼則皮膚緻密內熱不能發泄故病作矣內熱者病本也今不治其本乃用發表徒虛其外愈不能當風寒疏內徒耗其津愈增鬱熱之勢遂以三補丸加大黃酒炒三次貝母瓜蒌丸服仍令每年立秋以前服滾痰丸三五十粒病漸向安

一婦年逾五十其形色脆弱每遇秋冬痰嗽氣喘自汗寐

倦卧不安席或嘔惡心診之脉皆浮緩而濡曰此表虛不禦風寒激內之鬱熱而然遂用參芪各三錢麥門冬白朮各一錢黃芩歸身陳皮各七分甘草五味各五分煎服十餘貼而安每年冬寒病發即進此藥次年秋間滯下腹痛後重脉皆濡細稍滑予曰此內之鬱熱欲下也躰雖素弱經云有故無損遂以小承氣湯利兩三行臍痛稍除後重未退再以補中益氣湯加枳壳黃芩芍藥煎服仍用醋澆熱磚布裹坐之而愈是年遇寒嗽喘亦不作矣

一婦產後咳嗽痰多晝輕夜重不能安寢飲食無味或時自汗盜用人參清肺湯嗽愈甚予爲診之脉浮濡近駛曰此肺熱也令服保和湯五貼而安

一婦懷妊七月嗽喘不能伏枕兩髻坐久皮皆潰爛遂用蘇子降氣湯三拗湯參蘇飲罔有效者邀予診之右脉浮濡近駛按之無力左脉稍和曰此肺虛也宜用補法遂以人參錢半白朮麥門冬各一錢茯苓八分歸身阿膠黃芩各七分陳皮五味甘草各五分煎服五七貼而痊

一童子八歲傷寒咳嗽痰少面赤日夜不休丁氏小兒科治以參蘇飲數日嗽甚予爲診之脉洪近駛曰熱傷肺也令煎葛氏保和湯二服如失

氣痛 氣逆

一婦瘦弱年四十餘患走氣遍身疼痛或背脹痛或兩脇
掉痛或一月二三發則嘔盡所食方快飲食不進久
伏床枕整作氣治用流氣飲或作痰治用丁藿二陳湯
病甚邀予視之脉皆細微而數右脉尤弱曰此恐嬌居
憂思傷脾而氣鬱也理宜補脾散鬱以人參三錢香附
砂仁黃芩甘草各五分黃芪二錢歸身錢半川芎八分
乾姜四分煎服十餘貼脉之數而弱者稍緩而健諸痛
亦減仍服前方再用人參黃芪川芎香附山枝甘草以
神麴糊丸服之病除

邑庠司訓蕭先生年逾五十形肥色紫病氣從臍下冲逆
而上瞍卧不安飲食少精神倦予爲診之脉皆浮濡而
緩曰氣虛也問曰丹溪云氣從臍下起者陰火也何謂
氣虛予曰難執定論此又六肥人氣虛脉緩亦氣虛
今據形與脉當作氣虛論以參芪爲君白朮白芍
爲臣歸身熟地爲佐黃柏知母爲使煎服十餘貼
稍安彼以胸膈不利陳皮加作七分氣香土仍守前方
月餘而愈

身麻

一婦或時遍身麻痺則懵不省人事良久乃甦整作風治
用烏藥順氣散又用小續命湯病益甚邀予診之脉皆
浮濡緩弱曰此氣虛也麻者氣餒行遲不能接續也如
人久坐膝屈氣道不利故伸足起立而麻者是也心之

所養者血所藏者神氣運不到血亦罕來由心失所養而昏憒也遂用參芪各二錢歸身茯苓門冬各一錢黃芩陳皮各七分甘草五分煎服而愈

秘結

一婦發居改嫁乘轎勞倦加以憂懼成婚之際遂病小腹脹痛大小便秘結不通蚤以硝黃三下之隨通隨閉病增胸膈胃脘脹痛自汗食少予爲診之脈皆濡細近駛心脈頗大右脈寬弱予曰此勞倦憂懼傷脾也蓋脾失健運之職故氣滯不行以致秘結今用硝黃但利血而不能利氣遂用人參二錢歸身錢半陳皮枳殼黃芩各七分煎服而愈

卷上終

吐血 咳血

門生石豎陳楠惟且較勤

一入年三十餘形瘦神瘁性急作勞傷于酒色仲冬吐血
二盪盆腹脹腸鳴不喜食飲整作陰虛治不應明年春
又作食積治更灸中脘章門復吐血碗許灸瘡不潰令
食鮮魚愈竟不爽下午微發寒熱不知飢飽予診其脉
濡細而弱右脉尤衰弱而似弦曰此勞倦飲食傷脾也
宜用參芪白朮歸身甘草甘溫以養脾生地麥門冬山
枝并寒以涼血陳皮厚朴辛苦以行滯隨時暄涼加減

煎服久久庶或可安三年病愈後往臨清買賣復經酒色遂大吐血頓沒

一人年二十餘形瘦色脆病咳血竅用滋陰降火及清肺之藥延及二年不減又一竅用茯苓補心湯及參蘇飲皆去人參服之病增邀予診之脉細而數有五至餘曰不可爲也或曰脉訣云四至五至平和之則何謂不可爲予曰經云五藏已衰六腑已極九候須調猶死是也且視形症皆屬死候經曰肉脫熱甚者死嗽而加汗者者死嗽而下泄上喘者死嗽而左不得眠肝脹右不得眠肺脹俱爲死症今皆犯之雖飲食不爲飢膚去死近矣越五日果卒九患虛勞犯前數症又或嗽而喉痛聲

啞不能藥或嗽而肛門發癢皆在不救竅者不可不知一人年三十時過于勤勞嘔血彼甚憂惶予爲診之脉皆緩弱曰無慮也由勞倦傷脾耳遂用參芪歸朮陳皮甘草麥門冬等煎服月餘而愈越十餘年斗號傷氣加以過飽病膈壅悶有痰間或咯紅噎酸飲食難化小便短赤大便或溇有時滑泄不止睡醒口苦夢多或夢遺竅用胃苓湯病甚邀予診視脉或前大後小或駛或緩或細或大或弱或弦並無常度其細緩弱時常多曰五藏皆受氣于脾脾傷食減五藏俱無所稟矣故脉之不常脾之虛也藥用補脾庶幾允當遂以參朮爲君茯苓爲臣陳皮神麩見母爲佐甘草黃柏爲使服之瀉止食進後

復傷食前病又作曰再用湯藥腸胃習熟而反見化于藥矣服之何益令以參朮白朮散加茵豈寇棗湯調下累驗又傷于食改用參朮芍苓陳皮砂仁丸服大便即瀉曰脾虛甚矣陳皮砂仁尚不能當况他消導藥乎惟宜節食靜以守之勿藥可也問命脉如何予曰孟子云夭壽不貳修身以俟之所以立命也夫壽夭固有定命而人不可委之于命而不修也人生于世如燭在籠火在灰也罩以籠壅以灰則燭與火可保無虞人能遠色節食養性存心使汗不妄泄精不妄施數湏有修短而得以終其修短之數命湏有天速而得以盡其天速之期苟或反是譬猶燭之徹籠且置之兩側則東流西缺無復

完物修者短短者亦不得以終其命矣譬如火之失灰且移之風外左吹右擊無復全骸壽者夭夭者不得盡其數矣故曰君子修之吉小人恃之凶又曰靜者壽動者夭又曰自作孽不可活又曰禍福無不自已求之者聖賢叮嚀告戒無非欲人自保其命不可戕害其命也脉則氣血之徵兆氣血和則脉和氣血病則脉病但可以知其病耳命則在人不在于脉也故曰命在我一人年五十形色蒼白性急語不合則叫號氣喊嘔吐一日左妳下忽一點痛後又過勞惱怒腹中竟有穢氣衝上即嗽極吐或亦乾欬無痰甚則嘔血時發如瘡或以瘡治或以痰治或以氣治藥皆不効予往診之脉皆浮

細畧弦而駛曰此土虛木旺也性急多怒肝火時動故
左妳下痛者肝氣鬱也穢氣衝者肝火凌脾而逆上也
嘔血者肝被火擾不能藏其血也咳嗽者金失所養又
受火尅而然也嘔吐者脾虛不能運化食鬱爲痰也寒
熱者木火交戰也茲宜泄肝木之實補脾土之虛清肺
金之燥庶幾可安遂以青皮山枝各七分白芍黃芪麥
門冬各一錢喘身阿膠各七分甘草五味各五分白木
錢半人參三錢煎服月餘諸症盡釋

一八年逾三十形色清癯病咳嗽吐痰或時帶紅飲食無
味易感風寒行步喘促夜夢紛紛又有癩疔望用苓連
二陳或用四物降火或用清肺初服俱効久則不應邀

予診之脉皆浮濡無力而緩右手脉濡弱頗弦曰此
脾病也脾屬土爲肺之母虛則肺子失養故發爲咳嗽
又肺主皮毛失養則皮毛踈豁而風寒易入又脾爲心
之子子虛則竊母氣以自養而母亦虛故夜夢不安脾
屬濕濕喜下泄故入肝爲癩疔且癩疔不痛而屬濕宜
用參朮茯苓補脾爲君喘身麥門冬黃芪清肺養心爲
臣川芎陳皮山查散鬱去濕爲佐煎服累効後以參四
錢芪三錢朮錢半茯苓一錢桂枝一錢嘗服而安

賜源謝大尹年四十時房勞病咳血頭眩脚弱口氣夢遺
或時如冷水滴于身者數點詣予診視脉皆濡緩而弱
獨左關沉微按之不應曰此氣虛也彼謂房勞咳血夢

遺皆血病也左關沉微亦主血病且聞肥人白人病多
氣虛今我形色蒼紫何謂氣虛予曰初病傷腎經云腎
乃胃之關也關既失守胃亦傷矣故氣壅逆血隨氣逆
而咳也又經云二陽之病發心脾男子少精女子不月
二陽者腸胃也腸胃之病必延及心脾故夢遺亦有由
乎胃氣之不固也左手關部細而分之瀕屬肝而主血
藥而論之兩寸俱主上焦而察心肺兩關俱主中焦而
察脾胃兩尺俱主下焦而察肝腎是左關亦可以察脾
胃之病也古人治病有憑症有憑脈者有憑形色者今
當憑症憑脈而作氣虛証治為遂用參芪各三錢白朮
白芍歸身麥門冬各一錢茯苓神枝子酸棗仁各八分陳

皮甘草各五分煎服朝服六味地黃丸加黃柏椿根皮
夜服安神丸年餘而安越十餘歲致政歸田再為診之
右手三部脈皆隱而不見身又無病此亦事之異也世
謂太素脈法片時診候能知人終身禍福豈理也哉
一人形瘦色悴年三十餘因勞咳嗽吐血或自汗痞滿每
至早晨嗽甚吐痰如腐渣乳汁者一二碗仍復吐盡所
食稍定鑿用參蘇飲及枳縮二陳湯彌年弗效眾皆危
之邀予診治脈皆濡弱近駛曰此脾虛也宜用參芪或
曰久嗽肺有伏火雜著云咳血嘔血肺受火邪二者禁
用參芪今病犯之而用禁藥何耶予曰此指肺嗽言也
五藏俱有嗽今此在脾丹溪曰脾具坤靜之德而有乾

健之運脾虛不運則氣壅逆肺爲之動而嗽也故脾所
裹之血胃所藏之食亦隨氣逆而嘔吐焉茲用甘溫以
補之則脾復其乾健之運殆必壅者通逆者順肺寧而
嗽止胃安而嘔除血和而循經又何病之不去哉遂以
參芪爲君白朮茯苓麥門冬爲臣陳皮神麩歸身爲佐
甘草黃芩乾姜爲使煎服旬餘遂安

一人形色頗實年四十餘病嗽咯血而喘不能伏枕鑿用
參蘇飲清肺飲皆不効予診之脉皆浮而近駛曰此酒
熱傷肺也令嚼太平丸六七粒其嗽如失

村庄一婦年五十餘久嗽咯膿血日輕夜重詣診視脉皆
細濡而滑曰此肺痿也魯服何藥出示其方非人參清

肺散乃知毋茯苓湯也二藥皆犯人參半夏一助肺中
伏火一燥肺之津潤故病益加爲處一方天麥門冬阿
膠貝母爲君知母生地紫苑山枝爲臣桑白皮馬兜鈴
爲佐欵冬花歸身甜葶藶桔梗甘草爲使煎服五貼遂
安

一人年逾三十形近肥色淡紫冬月感寒咳嗽痰有血絲
頭眩躄倦豎作傷寒發散不愈更豎用四物加黃柏知
母益加身熱自汗胸膈痞悶大便滑瀉飲食不進夜不
安寢詣予診治右脉洪緩無力左脉緩小而弱曰此氣
虛也彼謂痰中有紅或咯黑痰者皆血病也古人云黑
人氣實今我形色近黑何謂氣虛予曰古人治病有憑

色者有憑脉者丹溪云脉緩無力者氣虛也今脉皆緩弱故知爲氣虛矣氣宜溫補反用寒涼陽宜升舉反用降下又加以發散則陽氣之存也幾希遂用參芪各四錢茯苓白芍麥門冬各一錢喘身八分黃芩陳皮神麩各七分蒼朮甘草各五分中間雖稍有加減不過兼以行滯散鬱而已煎服百貼而安

一人形色蒼白年三十餘咳嗽咯血声啞夜熱自汗邀予診視脉皆細濡近駛曰此得之色欲也遂以四物加麥門冬紫苑阿膠黃柏知母煎服三十餘貼諸症悉減又覺胸腹痞滿惡心畏食或時糞溏診之脉皆緩弱無復駛矣曰今陰虛之病已退再用甘溫養其脾胃則病根

去矣遂以四君子湯加神麩陳皮麥門冬服十餘貼病安視前尤健

一人年逾三十形瘦色脆過于房勞病怠惰嗜卧食後腹痛多痰竟自胃中而上又吐酸水肺氣不清声音不亮已更數盃或用補陰消導等劑邀予診治脉皆細濡無力約有七至問曰熱乎曰不竟曰嗽乎夜間數声而已曰大便何如近來帶溏糞門傍生一瘡今已潰膿未收口耳曰最苦者何夜卧不安四肢無力而已予思脉病不應夫數脉主熱今竟不熱乃內蒸骨髓欬或正氣已極無復能作熱欬據症似難起矣何也虛勞糞閉生瘡必成癯瘠脉不數者尚不可爲况脉數乎盖肺爲吸門司

上大腸爲肛門司下肺與大腸府藏相通况肺爲氣主氣陽當升虛則下陷所謂物極則反也今病內熱燔灼肺氣又傷故下陷肛門而生瘻肺傷極矣非藥能濟予遂告歸月餘果卒故凡虛勞之病或久泄或左或右一邊不得眠者法皆不治也

消渴

一婦年三十逾常患消渴善飢脚弱冬亦不寒小便白濁浮于上者如油予診脉皆細弱而緩右脉尤弱曰此脾痺也宜用甘温助脾甘寒潤燥方用參薏各錢半麥門冬白朮各一錢白芍天花粉各八分黃柏知母各七分煎服病除後口味不謹前病復作不救

彙萃

一人形長蒼紫素善食喜啖肉年近六十時六月傷飢又被雨湿既而過食冷物腹中疼脹嘔吐次年至期前病復作整作傷食或作冷氣率用香燥消導之藥時作時止第三年十月病又作食則胃脘勵痛近來忽吐瘀血如指者三四條大便溇瀉亦皆穢汚又常屢被盜驚今猶卧則驚寤予診左脉沉弱右脉浮虛但竟頗弦次早復診左脉濡小無力右脉虛豁令人參二錢白朮錢半茯苓當歸生地黃芪酸棗仁各一錢石菖蒲五分山枝七分五貼竟力健而食進尚暖氣失氣未除飲食少味令人參加作三錢白朮加作二錢服愈

一人年十九形瘦面色黃白三月間微瘥身熱五月間因勞傷于酒肉遂大熱膈悶夢遺盜汗午後熱甚或作食積或作陰虛或作痰火治皆不應予爲診之午間脈皆洪滑予曰食飽之餘脈不定也來早再診脈皆收斂而弱右脈尤弱遂以人參三錢黃芪錢半白朮麥門冬各一錢黃相知母山查各七分枳實甘草各五分煎服一貼熱減汗除五服去泰去甚惟夢遺一月或二次或三次令服固精丸五六兩仍令節食守淡味病當愈也後文耄熱前方減甘草加石膏錢半牡丹皮八分

一人年三十形瘦淡紫繞臆氣壅腹痛背脹則吐腹中氣塊翻動嘈雜數日乃吐黑水一盃益而作酸氣吐後暖

氣飲食不進過一二日方食大便二三日不通小便一日一次常時難向右卧午後怕食食則反飽脹痛行立坐卧不安日輕夜重二年後詣予診治脈皆浮弦細弱曰此脾虛也脾失健運故氣鬱而脹痛吐黑水者蓋因土虛不能制水故膀胱之邪乘虛而侮其脾土經云以不勝侮其所勝是也酸者木之所司脾土既虛水挾木勢而凌之爲豎作痰治而用二陳剛劑則脾血愈虛又作血治而用四物柔劑則是以滯益滯又作熱治而用黃連解毒則過于苦寒又作氣治而用丁沉香則過于香燥俱不適中遂以人參三錢黃芪錢半歸身一錢香附陳皮神麩各七分黃芩甘草各五分貝萊萸三分

煎服旬餘又犯油膩病作如前而尤重仍以前方加減
或湯或散丸服至半年而愈

人年逾三十形色瘦黑飲食倍進食後吐酸食飯乾惡
難吞嘗有結痰注于胸中不上不下緣勞則頭暈眼花
或時鼻衄糞後去紅或黑午後至晚胸膈煩熱有心時
疼好睡醒來口舌乾苦盜汗夢遺脚冷手及腎尖生膿
疱瘡瘻以四物湯涼血之劑治之不効詣予診治左脉
小弱而數右脉散弱而數俱近六至曰症脉皆屬陰虛
作陰虛治之不効何也此必脾虛濕鬱為熱而然也今
用滋陰降火反滋濕而生熱病何由安宜用參芪茸溫
之劑補脾去濕可為問曰丹溪論瘦黑者鼻衄者脉數

者參芪皆所當禁予曰固也豈可執為定論而不知變
可乎脉經云數脉所主其邪為熱其症為虛遂以人參
二錢黃芪錢半白朮麻黃根生地茯苓麥門冬各五分各
一錢歸身川芎各八分黃芩七分麥芽厚朴黃柏枳實
五味各五分服之而愈因勞病瘡仍用前方除麻黃根
牡礪麥芽枳實厚朴黃柏五味加澤泄柴胡青皮山枝
各七分甘草五分服十餘貼胸腹腰膈生小疥而愈
一人于幼時悞服毒藥泄痢後復傷食腹痛大泄不止今
須能食不作肌膚每至六七月遇服毒藥之時痛泄復作
善飢多食胸膈似冷夜間發熱嗜卧懶語聞淫欲言盜
汗陽舉心動驚悸喉中有痰小便不利大便或結或澹

過食則嘔吐瀉泄脉皆濡弱而緩右脉畧大尤覺弱也
次日左脉三五不調或一二至緩三五至駛右脉如舊
緩弱予曰左脉不調者此必欲動淫其精也右脉尤弱
者由于毒藥損其脾也理宜固腎養脾遂以人參錢半
白朮茯苓芍藥黃芪麥門冬各一錢歸身澤泄各八分
黃柏知母山查各七分煎服旬餘而安

一人年五十餘形色蒼古五月間泛木與人爭辨冒雨勞
後受飢且有內事夜半忽病發熱惡食上吐下瀉昏悶
煩躁頭痛身痛因自發汗遂不止遣書來示脉皆洪
數予曰脉果洪數乃危症矣蓋吐瀉內虛汗多表虛兼
之脉不爲汗衰亦不爲瀉減在法不治但古人有言盥

而不活者有也未有不盥而活者也令人參五錢以
救裏黃芪五錢以救表白朮三錢乾姜七分甘草五分
以和中安胃白茯苓一錢陳皮七分以清神理氣水煎
不時溫服一酒盃看其病勢何如服至六七貼則見紅
斑而四肢尤甚面赤身及四肢脹悶人來告急予曰斑
症自吐泄者多言謂邪從上下出也但傷寒發斑胃熱
所致今此發斑由胃虛而無根失守之火遊行于外也
可補而不可泄可溫而不可涼若用化斑湯玄參升麻
之類則死生反掌矣仍令守前方服十餘貼諸病悉減
斑則成瘡肢腫亦消而愈

一人形短蒼白平素善飲五月間忽發寒熱鑿作瘡治藥

渴益甚時常啖梨嘔吐痰多每次或至碗許飲食少進頭
暈昏悶大便不通小便如常或赤夜夢不安或一日連
發二次或二日三日一發或連發二日平素兩關脈亦
浮洪邀予適以事阻令服獨參湯二三貼嘔吐少止寒
熱暫住三日他醫曰渴甚脈洪熱之極矣復用獨參以
助其熱非殺之而何及予往視脈皆浮洪近數予曰此
非瘡而亦非熱也脈洪者陰虛陽無所附孤陽將欲飛
越故脈見此其病屬虛非屬熱也渴甚者胃虛津少不
能上朝于口亦非熱也蓋年逾六十血氣已衰加以瘡
藥性皆躁烈又當壯火食氣之時老人何以堪此然則
邪重劑輕非參所能獨治遂以參芪各七錢歸身麥門

冬各一錢陳皮七分甘草五分水煎每次溫服一酒盃
服至六七貼痰止病除食進大便旬餘不通導之以蜜
仍令服三十餘貼以斷病根續後脈亦收斂而緩非復
向之鼓擊而駛也

一入年踰三十形瘦蒼白病食則胸膈痞悶汗多手肘汗
出尤多四肢倦怠或麻晚食若遲來早必泄初取其脈
浮軟近駛兩關脈乃畧大予曰此脾虛不足也彼曰已
服參朮膏胸膈亦竟痞悶恐病不宜于參芪耶予曰膏
則稠粘難以行散故也改用湯劑痞或愈乎令用參芪
各二錢白朮錢半歸身八分枳實甘草各五分麥門冬
一錢煎服一貼上竟胸痞下竟失氣彼疑參芪使然予

曰非也若參芪使然只當胸痞不當失氣恐由脾胃過
虛莫當枳朴之耗耶宜除枳朴加陳皮六分再服一貼
頓覺胸痞寬失氣除精神爽愷脉皆軟緩不大亦不駛
矣可見脾胃虛者枳朴須散用爲佐使况有參芪歸木
爲之君尚不能制然則盪之用藥可不慎哉

婦五十七歲五月間因勞夜卧天熱開窓醒來遍身脹
痛疑是沙症刮背起紫疙痞因而胸膈脹痛磨木香服
之致小腹作痛咳嗽氣壅不能伏枕吐痰腥臭每次一
二碗亦或作泄肛門脹急自汗不止身表浮腫盪作傷
寒而用發散或作肺癰而用寒涼延綿一月盪皆辞去
其子來告予曰第未知得何脉耳告曰盪謂脉洪數也

予曰年逾五十血氣已衰又加以小勞而當酷熱之時
又不免壯火食氣且脉洪數乃熱傷元氣而然非熱脉
也所可慮者脉不爲汗衰爲泄減耳彼曰用生脉湯入
參二錢門冬二錢五味一錢病似瘥甚予曰邪重劑輕
也理宜黃芪五錢以固表入參五錢以養內白朮三錢
茯苓錢半滲濕散腫陳皮七分吳茱萸四分消痰下氣
再加甘草五分以和之門冬一錢以救肺依法煎服十餘
貼後雖稍安脉与病互終不救

一婦年逾三十形色脆白久病虛弱余爲調治十餘載矣
須不能絕去泰去甚至嘉靖癸未便道復爲診之左脉
似有似無右脉浮濡無力予曰平素左脉不如此今忽

瘳深爲之懼越三日再診兩手脉皆浮濡左則不似有似無右則畧近于駛而已乃知脉變不常昨今異狀者由虛而然也今鑿以片時診察即謂其病若何遂解囊糴藥此亦失之踈畧未必能盡其病情也近患頭眩眼昏四肢無力兩膝更弱或時氣上衝胸哽于喉中不得轉動則昏惰口禁不省人事內熱口渴鼻塞飲食減經水漸少予用人參三錢歸身白朮麥門冬各一錢黃芪錢半黃柏七分枳實五分甘草四分煎服缺藥日久前病復作服之又安

一人年逾三十質弱色蒼初菴右耳不時冷氣呵七如箭出一陣越兩月餘左耳亦如右而氣出早晨聲啞胸前

有塊攢熱飯後聲啞稍開攢熱少息頃間又發攢熱嗽惡酸水小便頻赤大便溏泄睡熟被嗽而醒噦惡二三声胸腹作脹頭腦昏痛不堪或時發熱遍身疼痛天明前病少息惟攢熱不除近來午後背甚齋寒兩腿麻冷令用人參二錢半茯苓門冬白朮各一錢黃連甘草枳實各五分貝母喘身各一錢白芍八分煎服而愈

一婦蒼白不肥不瘦年逾五十病舌尖痛三年絕旁喉中熱痛或額前一掌痛早起頭暈飲食無味胸膈痞悶鑿用消導清熱之藥不効予診右脉濡散無力而緩左脉比右頗勝亦近無力十五年前哭子忒甚遂作憂思傷脾哭泣傷氣從東垣勞倦傷脾之例用參芪各錢半白

木芍藥天麻各一錢川芎玄參各七分甘草枳實各五分黃栢陳皮各六分煎服而愈

楊梅瘡

一人色蒼黃瘦年三十餘病遍身惡瘡因服輕粉而脚拘攣手指節腫額前神庭下腫如雞卵大方士令服孩兒骨其法取初生孩兒置磚地上周以炭火煬使死孩成灰紙裹放地上出火毒爲末空心或酒或湯調服二三錢謂能補也邀予診視脉皆濡緩而弱予曰病已三年毒已盡矣但瘡潰膿血過多以致血液衰少筋失所養故脚爲之拘攣况手指節間頭上額前皆血少運行難到之處故多滯而成腫理宜潤經益血行滯散腫今服孩骨猛火炮炙燥烈殊甚且向所服輕粉性亦燥烈丹溪曰血難成易虧今外被瘡膿所涸內被燥劑所燻以

難成易虧之血曷能當此內外之耗乎不惟腫不能消
殆必壽亦損也問曰本草輕粉辛冷何謂燥烈予曰本
草註云硃砂伏火者大毒殺人水銀乃火煨硃砂而成
其性滑動走而不守氣味俱陽後可知矣陽屬熱火故
毒比硃砂爲甚入耳蝕腦入肉百節拘攣也然輕粉又
水銀和入皂礬再加火煨而成是爲陽中之陽又復資
以礬之燥烈非大毒燥烈而何又問此瘡從何而生予
曰肝屬風而急暴腎屬水而主液爲相火所寄淫夫淫
婦擾動厥陰之火泄其腎水既無以制火之衝逆而反
以爲相火之助經曰火自水中起是也故腎之液皆被
火鬱成痰濁痰瘀血流注莖頭發爲姦瘡久而毒熱不

解復于兩眼厥陰經分又生惡瘡以其瘡狀類楊梅故
俗名爲楊梅瘡亦有如豌豆者由其毒有微甚也旬日
之間延及遍躰者以厥陰屬風而急暴又得相火以爲
之助宜其發之暴且速也初生之時躰氣壯大便堅飲
食進惟防風通聖散爲最宜躰氣弱大便溏飲食少則
用四物加玄參連翹射干爲主大便稍泄除射干上躰
多者黃芩或防風爲佐下躰多者黃柏或牛膝爲佐引
以皂角針之鋒銳和以甘草節之甘緩却厚味絕房帷
隨症出入服之久久無有不安或有惡湯藥者壯盛之
人則以三補丸加大黃生地用猪膽汁丸服怯弱之人
則以三補丸加玄參生地亦用猪膽汁丸服似亦簡便

世人欲求速效皆用輕粉濕痰被劫三五日間瘡因暫愈然燥熱尚在不越一旬二旬瘡又復作翻思前藥又劫又愈愈又復發展轉不休殊不知用一次劫藥增一次燥熱由是肢躄或癩潰或攣曲遂成痼癢論語欲速不達厥有旨哉又問何以能相染也予曰其人內則素有濕熱外則表虛腠踈或與同廁而爲穢氣所蒸或與共床而爲瘡汁所漬邪氣乘虛而入故亦染生此瘡經曰邪之所湊其氣必虛是也亦有同廁同床而不染者蓋由內無濕熱之積外無表虛踈腠之患是以邪不能入而瘡不相染矣雖然子之所慎齋戰疾然亦不可自恃而不加之意也又問已悞于藥悔不可追今將何藥

以鮮之手時正仲夏子用十全湯去桂附加紅花牛膝黃栢薏苡仁木香火麻仁羌活煎服百點空心常服東坡四神丹加黃栢又少加蜀椒以其能乘水銀然後脚伸能行指腫亦消惟額腫傳膏而愈○一人患此瘡脚膝挛痛有人取蝦蟇治如食法令食之而挛痛遂愈此亦偶中也○又一人患此瘡脚痛而腫或令採馬鞭草煎湯薰洗湯氣繞到便覺爽快候溫洗之痛腫隨滅此草在處有之檻外空地尤多其葉類菊春開細碎紫花秋復再花袖穗如馬鞭故名馬鞭草○又一人患此通身筋骨疼痛遇一道流問曰神色憔悴有病耶曰因瘡遍身痛也道流曰輕粉多矣吾亦被其毒矣遂示一方

不過數味藥也但每貼入鉛五錢打扁同煎服之果驗
凡患此瘡年久不愈者用單薛二三兩為君隨症虛實
加入他藥罔有不效蓋單薛善驅濕熱故也

人年三十餘因患此瘡服輕粉致右腹肋下常有痞塊
右眼黑珠時有丁子努出如雀屎許間或又消身有數
瘡未痊一壘為治瘡毒而用硝黃一壘為治痞塊而用
攻剋一壘為治眼丁而用寒涼諸症不減反加腹痛腸
鳴大便滑泄胸膈壅悶不思飲食嘔氣吐沫身熱怠倦
夜卧不安季冬請予往視脉皆浮濡近駛曰誤於藥也
前藥多係毒劑胃中何堪此物耶遂令棄去更用人參
四錢黃芪二錢白朮三錢茯苓炒芍藥各一錢陳皮神

曲升麻各七分甘草黃芩各五分煎服五貼為泄痛
定減去升麻又服五貼膈寬食進或去黃芩再服五貼
諸症皆除月餘痞塊亦散眼丁亦消

肺癰

一婦年近三十形色瘦白素時或咳嗽一二声月水或前
或後夏月取涼遂嗽甚不能伏枕者月餘痰中或帶血
或兼腥膿緊則吐食壘用參連二陳不效復用參芪等
補藥病重予視左脉浮滑右脉稍弱而滑幼傷手蹠掌
不能伸右脉似難憑矣乃以左脉驗之恐妊薰肺癰也
遂以清肺泄肺之劑進之三服而能着枕痰不吐膿不
咯惟時或惡阻予曰此妊之常病也教用薏苡仁白朮

茯苓麥門冬黃芩阿膠煎服病減月餘復爲診脈皆稍
緩而浮曰熱已減矣但吐紅太多未免傷胃教用四君
子加陳皮黃芩枳壳煎服調理姪至八月食雞病作却
雞而愈至九月病又復作聲啞令服之里便獲安予曰產
後病除乃是佳兆病若復來非吾所如月足而產脾胃
病作加泄而卒

脚瘡

婦瘦長面紫每遇春末夏初兩脚生瘡膿泡根紅艱于
行步經水不調邀予診視脈皆濡弱近駛兩尺稍滑曰
血熱也豎用燥劑居多故瘡不瘥合用東坡四神丹加
黃栢蜜丸服之瘡不復作

瘰癧

邑庠司訓余先生年幾六十長瘦色蒼是福建考試官回
病背腿瘰癧一腫愈一腫作小者如蠶大者如鍾繼續
不已俗曰流注是也豎皆欲用十宣散五香湯托裏散
予爲診之脈皆濡弱曰此非前藥所宜也夫以血氣旣
衰之年冒暑遠步熱瘡之地勞傷形熱傷氣矣經云邪
之所湊其氣必虛理宜滋補使氣運血行腫不作矣遂
用大補湯減桂倍加參芪歸朮佐以黃栢黃芩紅花服
至二三十貼視腫稍軟者用砭決去其膿未成者果者
消釋仍服二三十貼以防後患

一人肥短紫淡年逾三十因勞感濕兩腿臍間結核痛甚

遂用蒜片文灸又針大敦三陰交又以藥水洗之遂致
陰囊腫脹如升莖皮腫如水泡復進人參敗毒散皆不
中病邀予往診脉皆濡緩而弱畧駛曰此濕氣乘虛而
入鬱而爲熱成結核也理宜補中行濕可免後患月餘
左腿內廉厥陰經分腫痛如枕惡寒發熱復用蒜灸六
日後腫潰膿出躰倦頭面大汗手足麻木瘡下又腫如
按寒熱大作始信予言用人參三錢黃芪三錢白朮錢
半歸身尾牛膝茯苓各一錢青皮黃柏各七分甘草節
五分煎服五六貼右額羊矢穴分腫痛長五寸許亦作
寒熱遂謂補塞太過欲改前方彼言汪君已有先見所
製之方必不誤我銳意服之月餘腫皆膿潰成痂而愈

惟左脚委中筋急短縮艱于行步彼疑爲變遣書來問
予曰膿血去多筋失所養故也藥力足日當不變矣果
果驗後覺陰囊腫繼他處加苗香吳茱萸治疝等藥不
効予適至彼令守前方戒去治疝等藥加升麻一錢服
一二貼囊即縮矣乃語予曰先生神醫也乃詳告吾病
原乎予曰經云營氣不從逆于肉理乃生癰腫又云受
如持虛蓋謂氣餒行遲血少壅滯則阻逆肉理乃作癰
腫也又則鬱而爲熱化肉腐筋而成膿矣腫在厥陰雖
曰多血亦難供給日之所耗夜之所損故邪乘虛留結
不散如持虛器而受物也身之血氣如風與水風疾水
急則頽陂潰隄莫有能禦之者也風息水細則砥障石

壅多有所阻礙矣。故今補其氣血使氣壯而行健血盛而流通又何腫之不散結之不行哉。彼曰理也。

疝腫

一兒八歲癩疝陰囊腫脹核有大小予令燒荔枝核灰苗香炒為末等分食遠溫酒調服二錢不過三服

一兒六歲陰囊脹大如盞莖皮光腫如泡一釜為之滲溫行氣不効邀予診視脉皆濡緩曰脉緩無力者氣虛也經云膀胱者津液之府氣化出為氣虛不足無能運化而使之出矣宜升陽補氣可也遂以人參為君黃芪白朮茯苓為臣牛膝升麻陳皮為佐甘草稍為使煎服一二貼囊皺腫消三貼全愈

調經

一婦瘦小年二十餘經水紫色或前或後臨行腹痛惡寒喜熱或時感寒腹亦作痛脉皆細濡近滑兩尺重按畧洪而滑予曰血熱也或謂惡寒如此何得為熱曰此熱極似寒也遂用黃連酒煮四兩香附歸身尾各二兩五靈脂一兩為末粥丸空腹吞之病退

一婦身瘦面黃舊有白帶產後憂勞經水不止五十餘日間或帶下心前熱上身麻下身冷背心脹口鼻乾額角冷小便頻而多大便溏而少食則嘔吐素厭肉味遣書示病如此予曰雖未見脉詳其所示多屬脾胃不足令服四君子湯加黃芪陳皮神麩歸身二貼紅止白減復

以書示曰藥其神乎繼服十餘貼諸症悉除

一婦經行瀉三日然後行診其脈皆濡弱曰此脾虛也脾屬血屬濕經水將動脾血已先流注血海然後不流爲經脾血既虧則虛而不能運行其濕故作參苓白朮散每服二錢一日米飲調下二三次月餘經行不瀉矣

一婦產後經行不止或紅或白或淡病逾八月面色黃白性躁頭眩脚軟盜用參芪補藥病益加用止瀉藥無効邀予診之右脈濡弱無力左脈畧洪而駛曰右脈弱者非病也左脈偏盛遂查右脈弱耳宜主左脈治以涼血之劑遂以生地白芍白朮各一錢黃芩阿膠歸身各八分陳皮香附川芎椿根皮茯苓各六分辨胡甘草各五

分煎服二十餘貼而愈

一婦形長質脆面色黃白孀居十餘年平素食少內外俱勞年五十二歲二月忽血崩若左手竟熱崩則又甚益用善寒黑灰涼血止血之劑益劇更用膠艾湯少愈偶因子病住藥月餘後服前湯崩則日少夜多七月盡來就予治右脈浮軟頗大左脈軟小而緩獨左尺尤近微弱予謂左脈主血得此與病相應右脈主氣今診得浮軟此乃脾胃氣不足也蓋脾具坤靜之德而有乾健之運虛則不能健運其血矣胃氣者陽氣也陽主升舉虛則不能升舉其血矣經曰陽病竭而下者此也又曰陽病治陰陰病治陽正其血氣各守其鄉其治此病之謂

欬今氣不能健運升舉以致血崩法當治陽世盜時此
但知血熱則行逢冷則凝逢寒則止故用苦寒黑灰之
劑殊不知苦以泄胃寒則降下故經曰苦傷氣寒傷血
安能治其崩哉蓋脾胃屬土惡濕喜溫畏寒理宜甘溫
養其脾則熱自除氣自運而血隨氣各歸其經矣東垣
曰溫能除大熱經曰形不足者溫之以氣又曰氣生形
又曰氣固形實形主血言又曰陽氣者精則養神柔則
養筋故古人治血多用養氣豈無所本哉血逢黑則止
但可以治標耳經曰胃者五藏之本苟不固本未免止
而復發况其所病或勞或怒或惡食而崩愈甚此蓋由
脾胃不足不勝其勞怒也遂用參芪各四錢歸朮各一

錢甘草厚朴各五分炒蒲黃阿膠各七分煎服十餘貼
崩則晝止夜來夫夜則陰旺陽衰陽不足以攝血故也
再以棕皮五倍子蓮蓬燒灰加阿膠蒲黃粥丸臨晚服
而夜亦止但清水常流大便結燥小便日無夜有又用
潤麻丸加水通車前空心吞之然腰與小腹及脚腿皆
痛胸膈不寬予適出月餘歸診脉皆沉細而數予曰數
脉所主爲熱其症爲虛脉與向日不同而症反竟虛者
多因久服前藥失于加減故藏府習熱而病反見化于
藥矣令暫止藥乘轎歸家登山度嶺加以應接人事勞
而又勞越三日血大崩約一桶許昏懵而氣息奄奄良
久稍甦是夜又崩二三碗許仍復昏懵予徃視之脉仍

沉細而數予曰五十以後血氣大脫實難求生但不忍坐視其斃耳乃用大劑參芪各七錢歸地姜附各一錢甘草五分煎服二三貼脉數畧減頭痛昏弱腰脚腿痛亦愈曰則胸膈似煩至夜亦愈但小腹時竟微痛清水常流不絕經曰衝脉者經脉之海主滲谿谷與陽明合于宗筋會于氣街而陽明爲之長皆属于帶脉故陽明虛則衝脉失養不能滲灌氣化爲水而下流矣待其胃氣稍完則清者運而爲津液濁者滲而爲小便而水或可止也經曰壯者氣行則愈是矣若遇嚴寒又竟小腹腰脚腿痛者亦由陽虛不禦其寒故也天地稍和又不竟矣予曰病湏少愈然血氣虛脫來春恐無以資生發之氣耳至春果洞瀉而後

丹溪曰氣病補血湏小中亦無所害血病補氣則血愈虛散是謂誅罰無過今病血病而治以參芪寧不犯丹溪之戒乎予曰李貴疎通不可執泥丹溪又曰衝任二脉爲經脉之海二脉無損則血氣之行外循經絡內榮五藏若勞動過極損傷二脉則衝任氣虛不能約制其血故忽大下謂之崩中治宜舉養脾胃大補氣血丹溪治血何常不歸于氣虛而養脾胃也東垣亦曰血脫益氣古聖人之法也先理其胃以助生發之氣諸甘藥爲之先務蓋其能生血此陽生陰長之理故先助胃氣且人之身納谷爲室予考聖經

前賢所治血病未嘗專主于治血而不養氣要在臨病識耳耳須然此固不免于死所以得遲延而無苦楚者恐亦由于藥力也因筆之幸同志者考其得失

一婦年逾四十形長色脆病經不調右脉浮軟而大左脉虛軟而小近駛嘗時經前作泄今年四月感風咳嗽用湯洗浴汗多因泄一月六月復因洗浴發瘡六七次瘡須止而神思不爽至八月盡而經水過多白帶時下瀉泄遂竟右脚疼痛舊傷閃脚脚跟今則假此延痛臀腿腰脇尾骨脛項右邊筋皆掣痛或咳嗽一声則腰眼痛如刀扎日輕夜重叫號不已幸痛稍止飲食如嘗今詳月水過多白帶時下日輕夜重瀉泄無時亦屬下多亡

陰宜作血虛論治然服四物止痛之劑益甚九月予復診視始悟此病乃合仲景所謂陽生則陰長之法矣夫經水多白帶下常瀉泄皆由陽虛陷下而然命曰陽脫是也日輕夜重蓋日陽旺而得健運之職故血亦無凝滯之患而日故輕也夜則陰旺而陽不得其任失其健運之常血亦隨滯故夜重也遂以參朮助陽之藥煎服五七貼痛減此亦病症之變治法殊常故記之

一婦年二十一歲六月經行腹痛如割難忍求死脉得細軟而駛尺則沉弱而近駛予曰細軟屬濕數則為熱尺沉屬鬱此濕熱鬱滯也以酒煮黃連半斤炒香附六兩五灵脂半炒半生三兩婦身尾二兩為末粥丸空心湯

下三四錢服至五六料越九年得一子又越四年經行
兩月不斷腹中微痛又服前丸而愈續後經行六七日
經止則流清水腹中微痛又服前丸而痛亦止又經住
只有七八日若至行時或大行五六日續則適來適斷
或微紅或淡紅紅後嘗流清水小腹大痛漸連遍身胸
背腰腿骨裡皆痛自巳至酉乃止痛則遍身冷熱汗大
出汗止痛減尚能飲食自始痛至今歷十五年前藥屢
服屢効今罔効者何也予在休寧率口其母伴女荷轎
至彼就盪脉皆洪滑無力幸其尚有精神予曰此非舊
日比矣舊乃鬱熱今則虛寒東垣曰始為熱中終為寒
中是也經曰脉至而從按之不鼓乃陰盛格陽當作寒

治且始病時而形斂小今則形肥大矣蓋書曰瘦入血
熱肥人氣虛豈可同一治耶所可慮者汗大泄而脉不
為汗衰血大崩而脉不為血減耳其痛日重夜輕知由
陽虛不能健運故亦凝滯而作痛以症參脉宜用助陽
若得脉減痛輕方為佳兆遂投參芪歸朮大劑加桂附
一貼來早再診脉皆稍寧隨即回宅服至二三十貼時
當二月至五月予適往城視之病且愈矣蓋病有始終
寒熱之異藥有前後用舍不同形有少壯肥瘦不等豈
可以一方而通治哉後聞乳有隱核數枚彼時失告予
予訪之外科婦罪於多服參芪而然殊不知肥人氣虛
多滯若能久服前藥不惟乳無隱核縱有亦當消矣多

因病退却藥血氣未充故氣滯血凝而成此核經曰杜
考氣行則愈是矣予以書喻抵恐一齊傳衆楚咻莫能
回其惑也

一婦每臨經時腰腹脹痛玉戶淫淫虫出如鼠粘子狀綠
色者數十枚後經水隨至其夫問故予曰厥陰風木生
虫婦人血海屬于厥陰此必風木自甚兼脾胃濕熱而
然也正如春夏之交木甚濕熱之時而生諸虫是也宜
清厥陰濕熱耶令以酒煮黃連爲君白朮香附爲臣研
末粥化空腹吞之月餘經至無虫而妊矣

一婦形質瘦小面色近紫產後年餘經水不通首夏忽病
嘔吐手指麻痺拳拳不能伸展声音啞小噦不出声豎
皆視爲風病危之予診脉皆細微近滑曰此妊娠惡阻
病也衆謂經水不通安有妊理予謂天下之事有常有
變此乃事之變也脉雖細微似近于滑又尺按不絕乃
妊娠也遂以四君子加二陳治之諸症俱減尚畏粥湯
惟食乾糕香燥之物而有生意

出部脉

一婦年逾四十形色頗實常患產難倒生經水不調或時
遍身骨節疼痛食少倦怠自汗予爲診之兩手脉皆不
應惟右關輕按隱隱然微竅動也疑脉出部以指尋按
經渠列缺穴分亦不應余甚怪之乃叩其夫曰有孕特
登診亦言無脉後服八物湯幸爾易產而得一子予曰

此由稟賦本來脉不應也無足怪焉可見天下事變出無窮果難一一以常理惻也如脉經所謂但道其常而已兩手無脉不傷其生又不妨于胎妊豈脉經所能論及耶脉或兩手出部或一手出部予見多矣兩手無脉而人如故此亦理之所無事之大變故筆記

一婦有病請予診之右脉緩濡而弱左手無脉再再尋之動于腕臂外廉陽谿偏歷之分乃語之曰左脉離其部位其病難以脉知以右脉言之似屬于脾胃不足也尚當言其病焉告曰每遇經未行前咯血數口心嘈不安食少懶倦予以四君子湯加山枝陳皮麥門冬牡丹皮煎服數貼而安

予常考孫兆診一釋者左脉出部動于臂上曰此反脉也登書不載脉行常道豈有移易或者少年驚撲震動心神故脉脫故道耳年既長大血氣已定不能復移也僧曰果如所言予詢此婦未嘗得驚而脉如是可見亦由于稟賦也後在歙之江村診得兩手脉俱出部者數人或左或右一手脉出部者尚多信行診一婦人兩手脉亦出部凡此皆事變無窮理之莫測豈皆由于驚動哉夫此類前案故錄于此

妊病

一婦懷妊八月嘗病腰痛不能轉側大便燥結益用人參等補劑痛益加用硝黃通利之藥燥結雖行而痛如故

予爲診之脉稍洪近駛曰血熱血滯也宜用四物加木香乳沒黃柏火麻仁煎服四五貼痛稍減燥結潤復加發熱面赤或時惡寒仍用前方去乳沒黃柏加柴胡黃芩服二貼而寒熱除又背心竟寒腰痛復作予曰血已利矣可于前方加入參一錢服之獲安

一婦嘗患橫生逆產七八胎矣予皆不育予診脉皆細濡頗弦曰此氣血兩虛薰熱也或曰氣血有餘方成妊娠氣血既虧安能胎耶予曰觀其形長瘦而脉細濡屬乎氣血兩虛色青脉弦屬于肝火特熾而兩尺浮滑似血虛爲輕而氣虛爲重也宜以補陰丸除陳皮倍加香附參芪蜜丸服之常令接續踰年臨產果順而育一子

產後

一婦產後滑泄勺水粒米弗能容即時泄下如此半月餘矣衆皆危之或用五苓散平胃散病益甚邀予診之脉皆濡緩而弱曰此產中勞力以傷其胃也若用湯藥愈滋胃濕非所宜也令以參苓白朮散除砂仁加陳皮茵豆蔻煎姜棗湯調服旬餘而安

一婦產後時發昏瞶身熱汗多眩暈口渴或時頭痛惡心盜用四物涼血之劑病不減復用小柴胡病益甚予爲診之脉皆浮洪搏指予謂產後而得是脉又且汗多而脉不爲汗衰法在不治所幸者氣不喘不作泄耳其脉如是恐爲涼藥兩激也試用人參三錢黃芪二錢甘草

當歸各七分白朮門冬各一錢乾姜陳皮黃芩各五分煎服五貼脉歛而病漸安

小兒驚癇

一女年六歲病左手不能牽動三年矣後復病癇初用人參半下或効或否予診左脉浮洪右脉頗和曰痰熱也令以帛勒肚取茶子去壳三錢接碎以滾湯一碗濾取汁隔宿勿食早晨溫服吐痰如大蒜辨者三椀許手能牽動癇亦不作

予孫應達初生未滿一月乳媪抱之懷間往觀春戲時風寒甚切及回即啼不乳時發驚搐始用蘇合香繼用驚搐藥不効衆皆危之予曰小兒初生血氣未足風寒易

襲此必風邪乘虛而入也風喜傷脾土主四肢脾受風擾故四肢發搐日夜啼叫不乳經曰風淫末疾是也其治在脾土不虛則風邪無容留矣因煎獨參湯初灌二三匙啼聲稍緩再灌三五匙驚搐稍定再灌半酒盃則吮乳漸有生意

泄瀉

一孩孟秋泄瀉晝夜十數度盃用五苓散香薷飲胃苓湯加茵豆蔻罔有効者予曰此兒形色嬌嫩外邪易入且精神怠倦明是胃氣不足而為暑熱所中胃虛挾暑安能分別水谷今專治暑而不補胃則胃愈虛邪亦着而不出經曰壯者氣行則愈怯者着而成病是也令濃煎

人參湯飲之初服三四匙精神稍回再服半酒盃瀉泄
稍減由是節次服之則乳進而病脫

石山鑿案卷之中終



石山醫案卷之下

荅銀臺宋公書

鑿以望聞問切四者為務蒙示貴恙祇得問之一事而已
餘三事俱莫得而詳也依命奉去藥方或效或否故難預
必茲以理論多屬于陰虛而兼有熱也經曰一勝則一負
蓋血者陰也陰虛則陽亢理之必然陽亢熱動宜其血得
熱而妄行或嗽或吐不免有血此皆陰虛發熱之病理宜
滋陰養血清熱潤肺是其治焉此特論其理之常也其中
又有變其常者亦當變其常以治之矣經曰衝任二脉為
血之海主滲灌谿谷而陽明為之長陽明者胃也或有勞
動損其衝任則血不得滲灌而越上于上竅故陽明胃脉



亦失所養或飲食無味或食則難飢或惡心嘔吐或胸膈
痞悶或大便不常此又初因陰虛而終致于陽虛也夫因
陰虛而致陽虛則滋陰降火之法又難例用當從東垣陽
生陰長而用甘溫之劑矣經曰陽氣者精則養神柔則養
筋蓋心主血而藏神肝主筋而藏血若胃之陽氣有虧是
陽氣之精者亦虛而心神失養不能以王血陽氣之柔者
亦損而肝筋失養不能以藏血心既不能主血肝又不能
藏血欲其血之不妄行也難矣此又陰變爲陽之病豈可
以其陰虛例治而損其陽也嘗考褚氏遺書有曰人年十
六精始通未及十六而先損其精則骨髓未滿後必有難
名之疾得閩所患已犯褚氏之戒必須遠色節欲以固其

本然後調之以藥以治其未無幾內外兼修本末兩盡病
之愈也有日矣苟徒恃乎藥而無敬謹之功是謂舍重就
輕欲求病愈難哉四物湯力黃柏知母乃滋陰降火妙劑
若飲食無味或飲食不思此方又難例用須宜兼用四君
子湯仲景曰血虛氣弱宜用人參人參不惟補氣亦補血
也况藥無定性與熱藥同用則熱寒藥同用則寒今用人
參而以寒藥制之人參雖溫亦莫能逞其勢矣又曰人參
補氣今以耗氣之藥監之雖欲補氣亦莫恣其性矣幸毋
以南北見疑東垣北人也常用人參考之東垣書可証矣
但加減活法在乎病者消息出入如嗽加麥門冬痰加貝
母咯血加藕節氣喘加阿膠痞悶加枳實二方相合名曰

八物湯兼補血與氣也請與高明議其可否

一人面色蒼白年四十六素好酒色犬肉三月間因酒連
有二夜房事遂病左腹痛甚後延右腹續延小腹以及
滿腹皆痛日夜叫號足不能升臥不能仰汗出食阻自
用倍急丸利二三行而隨止痛仍不減予診之脉皆細
駛右脉頗大于左獨脾脉弦而且滑扶起診之右脉亦
皆細數恐傷酒肉用二陳湯加黃芩山查翅蘆進之不効
再用小承氣湯仍復不利蜜煎導之亦不利乃以大承
氣湯利二三行痛減未除令其住藥只煎山查飲之次
日煩躁嘔惡渴飲凉水則竟惡止爽快次早再診脉皆
隱而不見四肢逆冷煩躁不寧時復汗出舉家驚愕疑

是房後陰症擬進附子理中湯予曰此治內寒逆冷也
活人書云四逆無脉當察症之寒熱今觀所患多属于
熱况昨日脉皆細數面色近赤又兼酒後而病六脉雖
絕盖由壯火食氣也四肢者諸陽之本氣被壯火所食
不能營于四肢故脉絕而逆冷也此類極陽之症正合
仲景所謂熱厥者多寒厥者少急用大承氣湯下之之
類向雖下以大承氣其熱尚有未盡難以四逆湯症與
比今用附子熱藥寧不助火添病耶如不得已可用通
脉四逆湯尚庶幾焉以其內有童便猪胆汁監制附毒
不得以悻其虐也連進二服脉仍不應逆冷不回渴飲
煩躁小便不通糞澀反類腹或時痛更延人參白虎湯

二貼燥渴如舊更用參朮各三錢茯苓麥門冬車前各一錢北五味當歸各五分煎服一貼脉漸隱上見如蛛絲予曰有生意也仲景論絕脉服藥微續者生脉暴出者死是也左手左脚亦畧近和不致冰人右之手足如舊遠冷但口尚渴大便尚澹一日夜約有十數次小便不通予曰渴而小便不利者當利其小便遂以天水散冷水調服三四劑不應再以四苓散加車前山枝煎服二貼小便頗通但去大便而小便亦去不得獨利予曰小便不利煩渴未除蓋由內熱耗其津液也大便尚澹者亦由內熱損其陽氣陽氣不固而然也遂用參朮各三錢茯苓錢半白芍車前門冬各一錢山枝七分先五

味五分連進數服至第九日逆冷回脉復見諸症補減而向安矣

人年逾四十面色蒼白平素內外過勞或為食傷則咯硬痰而帶血絲因服寒涼清肺消痰藥至五六十貼聲漸不清而至于啞夜臥不寐醒來口苦苦乾而常白胎或時喉中閣痛或胸膈痛或噯氣夜食難消或手靠物久則麻常畏寒不怕熱前有癩疔後有內痔遇勞則發初診左脉沉弱而緩右脉浮軟無力續後三五日一診心肺二脉浮虛按不應指或時脾脉輕按閣指重按不足及時或駛或緩或浮或沉或小或大變動全無定準夫脉不常血氣虛也譬之虛偽之人朝更夕改全無定

準的實之人朝斯夕斯常又不移以脉泰症其虛無疑
虛屬氣虛爲重也蓋勞則氣耗而肺傷肺傷則声啞又
勞則傷脾上傷則食易積前病後痔過勞而發者皆因勞
耗其氣上虛下陷不能升舉故也且脾喜溫畏寒而肺
亦惡寒故曰形寒飲冷則傷肺以已傷之脾肺復傷于
藥之寒涼則声安得不啞舌安得不胎胎者仲景謂言
中有寒丹田有熱也夜不寐者由于盜母氣心虛而神
不安也痰中血絲者由脾傷不能裹血也胸痛啞氣者
氣虛不能健運故鬱于中而變氣或滯于上則胸痛也
遂用參芪各四錢麥門煇身貝母各一錢遠志酸棗仁
牡丹皮茯神各八分石菖蒲甘草各五分其他山查麥

芽杜仲隨病出入煎服年餘而復益以寧志丸棄前病
日漸愈矣且此病屬于燥熱故白朮尚不敢用况他燥
劑乎

一人年十五色黃悴十二月間忽嘔痰血一二碗隨止當
請小兒科丁氏調治肌体尚弱常竟頭暈近于三月間
夫熱行路出汗逾日又少費力頰倦日晏頓然昏暈不
省人事手足擾亂顛倒錯亂將一時又方定次日亦然
續後每日午時前後如期發一次近來漸早自辰至午
控發二次漸至三四次比前稍輕發時自下焦熱上至
胸壅塞則昏暈良久方甦始疑是瘧或癘豎云火動又
云痰症用牛黃丸以竹瀝姜汁磨服二次共四丸又與

煎藥多清痰火之劑服後每日只發一次止則汗多口
乾食少身熱時多涼時少予脉之皆浮虛洪數不任尋
按坐起則竟略小亦不甚數脉書曰數脉所主為熱其
症為虛三日後再診左脉小而滑右脉大而滑獨肺部
浮軟按之似蟄蟄有聲與昨脉不同者虛之故也夫陽
氣者清純冲和之氣也或勞動過度或酒食過傷則擾
動其陽變而為邪熱矣然脾胃以陽氣為主陽變為熱
血必沸騰而越出于上矣昏暈者由熱熏灼故神昏運
倒而類風也風之旋轉運動與火相類每竟下焦熱上
胸膈壅塞而即發者脾脉從足入腹至胸今下焦熱上
乃脾火也然胸膈心肺之分為陽之位清陽居上而邪

熱擾之則陽不得暢達而心肺之神魄不免為之而昏
亂矣况五藏皆賴胃氣以培養胃受火邪則五藏皆無
所稟而所藏之神亦無以依故肺之魄心之神肝之魂
脾之意腎之志安得不隨之潰亂躁擾而昏瞶耶多發
于午前後者乃陽氣所主之精陽為邪擾不能用事故
每至其時而輒發也且汗多津液泄口乾津液少蓋用
生黃朱砂琥珀南星半夏等而復燥之是愈益其燥故
暫止而復發不能拔去其病根也因取參耆各一錢半
遠志山查川芎黃芩各七分天麻茯神麥門各一錢其
草陳皮各五分歸身八分白朮一錢半煎服十餘貼而
病不復發矣

一人年逾三十神色清減初因傷寒過汗是後兩足時冷
身多惡寒食則易飢日見消瘦寢道甚煩筋骨痛疼之
伏床枕不出門戶鑿用滋陰降火不効予視左脉浮虛
而緩右脉浮弦而緩此陽虛也病者言易飢善食寢遺
甚頻似屬陰虛若作陽虛而用參耆恐增病矣予故為
之倍論其病古人謂脉數而無力者陰虛也脉緩而無
力者陽虛也今脉皆浮虛弦緩則脉為陽虛可知參矣
以症論之病屬陰虛陰虛則發熱午後傷陰當為午後
則遍身發熱惡熱揭胸露手蒸亡熱悶而煩躁也今患
並無是症何得認作陰虛夫陽虛則惡寒雖天暖日和
猶恐出門怕寒惡風今患兩足時冷身多畏寒皆陽虛

之驗矣又被汗多亡陽非陽虛而何今日食則易飢非
陰虛火動也蓋脾胃以氣為主氣屬陽脾胃之陽已虛
又被苦寒屬陰之藥以瀉其陽則陽愈虛而內空竭須
假谷氣以扶助之故易飢而欲食上亦不生肌肉也經
曰飲食自倍腸胃乃傷又曰飲食不為肌膚其此之謂
歟寢遺亦非特陰虛經曰陽氣者精則養神柔則養筋
今陽既虛則陽之精氣不能養神而心藏神上失所養
則飄蕩飛揚而多夢矣陽之柔氣不能養筋而肝主筋
以藏魂筋失所養則遍身筋骨為之疼痛魂亦不藏故
寢寐欠安何得而不遺乎經曰氣固形實陽虛則不能
固而精門失守此遺之所以頻而不禁也經曰腎者胃

之關也今若助陽以使其固養胃以守其關不患遺之
不止矣遂用參耆各二錢白朮一錢甘草五分枳實香
附山查韭子各五分煎服半年隨時令寒暄升降而易
其佐使調理而安

一人年近六十而色蒼白病左耳聾三十年矣近年來或
頭左邊及耳皆腫潰膿上移耳出甚多時或又腫復膿
今則右耳亦聾屢服祛風去熱逐痰之藥不効予診左
手心脉浮小而駛肝腎沉小而駛右脉皆虛散而數此
恐乘輿遠來脉未定耳未早脉皆稍斂不及五至非此
日前之甚數也夫頭之左邊及耳前後皆屬于少陽也
經曰少陽多氣少血今用風藥痰藥類皆燥劑少血之

經又以燥劑燥之則血愈虛少矣血少則滯止則
壅腫且血逢冷則凝今復以寒劑凝之愈助其壅腫又
則鬱而為熱腐肉成膿移耳中出矣漸至右耳亦聾看
脉絡相貫血氣相依未有血病而氣不病也是以始則
左病而終至于右亦病矣况病久氣血已虛耳人年六
十血氣日涸而又出外勞傷氣血又多服燥劑以損其
氣血膿又大泄已竭其氣血則虛而又虛可知矣以理
論之當以滋養氣血止上捷狂則運行有常而病自云
矣否則不惟病且不除而腦瘧耳直抑亦有不克矣人
參二錢黃耆三錢煇身白朮生薑各一錢犀粘子蓮
柴胡陳皮各六分川芎片苓白芍各七分甘草五分煎

服數十貼而安

孺人年近五十病腹痛初從右手指冷起漸上至頭則頭如冷水澆灌而腹痛大作痛則遍身大熱上退則痛亦止或過食或不食皆痛每常或一年一發近來二三日一發遠不過六七日鑿用四物加柴胡香附不應更鑿用四君木香檳榔亦不效又鑿用二陳加紫蘇豆蔻又用七氣湯等劑皆不效予診脈皆微弱似有似無或一二至一止或三五至一止乃陽氣大虛也以獨參五錢陳皮七分煎服十餘貼而愈夫四肢者諸陽之末頭者諸陽之會經曰陽虛則惡寒又曰一勝則一負陽虛陰往乘之則發寒陰虛陽往乘之則發熱今指稍逆冷

上至于頭則陽負陰勝可知矣陽負則能健運而痛大作痛作而復熱者物極則反也及其陰陽氣衰兩不相爭則熱歇而痛亦息矣况脾胃多氣多血經也氣能生血氣不足則血亦不足仲景曰血虛氣弱以人參補之故用獨參湯服而數年之痛遂愈矣

一人年踰三十神色怯弱嘉靖八年客外七月患熱淋諸藥不效至十一月行房方愈九年正月復作亦行房而愈至三月傷寒咳嗽有痰無事煩惱延至十月少愈後復作服升吸散而愈但身熱不解因服小便腹內膨脹小腹作痛後又因晚臥左脇有氣觸上痛不能嚙飲食概半四肢無力食則腹脹痛或瀉兼胸膈飽悶口舌乾

燥夜卧盜汗從腰已下常冷又坐腰痛脚軟手心常熱
診其左手心脉浮數而滑腎肝二脉沉弱頰緩右手肺
脉浮虛而駛脾脉徧弦而駛命門散弱而駛第二日再
診心肝二脉細軟稍不見駛矣腎脉過于弱肺脉浮軟
亦不見駛脾脉頰軟命門過浮略堅予曰膀胱者津液
之府氣化出焉淋者由氣餒不能運化故津液鬱結為
熱而然也房後而愈者則鬱結流利而熱解矣三月天
日和煦何得傷寒多由肺氣不足莫能護衛皮毛故為
風邪所襲鬱熱而動其肺以致痰嗽也得芦吸散而愈
者以辛溫豁散其痰與熱也嗽止身熱不退者因嗽久
肺虛七七則脾弱脾肺之氣不能榮養皮肉故熱作也

經曰形寒飲冷則傷肺又曰脾胃喜溫而惡寒今服小
便之寒涼寧不愈傷其脾肺耶是以腹脹作痛脇氣觸
上或瀉或汗種上諸病皆由損其脾肺也而脉時或變
易不常者亦由氣血兩虛七而為盈難乎有常矣遂用
參芪各一錢茯苓白朮各一錢歸身牛膝各七分厚朴
陳皮木香甘草各五分薄桂三分煎服二十餘貼諸症
悉退後因解頭勞倦諸症復作來就予治脉與前頗同
但不數不駛而已仍用參芪各三錢麥門歸身厚朴枳實
甘草黃芩等劑而愈

書曰五志過為病非藥可治須以情勝古方書多畧而不
言遇有此疾無例可推因搜求前賢治例著之于後以云

將來者為如怒傷肝肝屬木怒則氣并于肝而脾土受邪木太過則肝亦自病喜傷心心屬火喜則氣并于心而肺金受邪火太過則心亦自病悲傷肺肺屬金悲則氣并于肺而肝木受邪金太過則肺亦自病恐傷腎腎屬水恐則氣并于腎而心火受邪水太過則腎亦自病思傷脾脾屬土思則氣并于脾而腎水受邪土太過則脾亦自病寒傷氣屬陽熱勝寒則陰受病熱太過則陽亦自病凡此數者更相為治故悲可以治怒以愴惻之言感之喜可以治悲以譁浪褻狎之言戲之恐可以治喜以逼遽死亡之言怖之怒可以治思以汗辱欺罔之言觸之思可以治恐

以慮彼忘此之言奪之凡此五者必詭譎詐無所不至然後可以動人耳目易人視聽若胸中無材器之人亦不能用此法也炁可以治寒三可以治炁逸可以治勞習可以治驚經曰驚者平之夫驚以其忽然而遇之也使習見習聞則不驚矣惟勞則氣耗恐則氣奪者為難治喜者少病百脉舒和故也

一人因喜成病莊醫切脉為之失声佯曰吾取藥去數日更不來病者悲泣辭家人曰處世不义矣莊知其將愈慰之詰其故引素問惧勝喜可謂得玄閔者也

一婦因產舌出不能收鑿以硃砂傳其舌仍命作產子狀冷以兩女子掖之乃于壁外潛累盆碗危處墮地以作声声

聞而舌收矣夫舌乃心之苗此必產難而驚心火不寧故舌因用力而出也今以硃砂以鎮其心火又使候聞異聲以恐下經曰恐則氣下故以恐勝之也

昔貴人有疾天方不雨更鑿十數罔效最後一鑿至脉已則以指計甲子曰某夕天必雨竟出貴人疑曰豈謂吾疾不可爲耶何言雨而不及藥我也已而夕果雨貴人喜起而行乎庭達旦疾若脫去明日後至之鑿來謁貴人喜且問曰先生前曰言雨今得雨而瘳何也鑿對曰君侯之疾以憂得之然私計君侯忠且仁所憂者民耳以旱而憂以雨而瘳理固然耳何待藥而愈耶

一女婚後夫經商二年不歸因不食困卧如痴無他病多向床裡坐此思則氣結也藥難獨治得喜可解不然令其怒諷掌其面詔以外情果大怒而大哭三時許令解之與藥一貼即求食矣予曰病雖愈得喜方已乃詒以夫回旣而果然病不舉

一人縣差拿犯人以鉄索項所犯至縣行至中途犯則投河而死犯家告所差入索騙威逼至死所差脫罪未免費財妄憤成病如醉如痴謬言妄語無復知識予診之曰此以費財而憂必得而喜病可愈也藥豈能治哉令其鎔錫作銀數錠置其側病者見之果喜握視不置後病遂愈此謂以喜勝憂也

一女與母相愛旣嫁母喪女因思母成疾精神短少怠倦嗜

卧胸膈煩悶日常慙亡諸藥不應予視之曰此病因思非藥可愈彼俗酷信女巫亡托神降言禍福謂之卜童因令其夫賄囑之托母降言女與我前世有冤汝故托生于我以害我也是以汝之生命尅母我死因汝今在陰司欲報汝讐言汝病淹亡實我所為我生則與之母子死則與之尅仇夫回語其婦曰汝病如此我他往可請童婆卜之何如婦應曰諾遂請卜一如夫所言女聞大怒詬曰我因母病毋反我害我何思之有耶遂不思病果愈此以怒勝思也一官素謹言一日會賓筵中有蘿蔔類大客羨之主曰尚有大如人者客皆笑以為無主則悔恨自咎曰人不見如是夫大者而吾以是語之宜其以吾言為妄為笑也因而致疾

藥不應其子讀書達事思父素不輕言因而愧報成疾必須實所言庶可解官所抵家往返十餘日遂遣人抵家取蘿蔔如人大者至官所復會舊賓請父強疾而陪酒酣令車載置席前客皆驚訝其父大喜而疾愈

重大之病一日三脉多變難治沉痾日日脉不移亦難治伏經脉最難求如積熱之久脉反沉細而外症又寒苟非兼以望聞問切何可得也世俗諱疾試醫亡復諱情妄臆而豪貴婦女往亡不得望聞豈不大錯

論病必分兼經專經錯經伏經知有賓主而後分標本以處方 兼經併發如兩感 專經獨發如太陽表症 錯經亂發如百合狐惑病 伏經反發如熱極似水

君臣佐使外可用一標使如劑中合從辛以達金則取引
經一味辛者倍加之故其効速

一土人形肥色白因名鑿雜著謂人皆陰不足服補陰丸
至數十年乃病虛胖短氣予反之用辛熱劑決去滯餘
而燥其重陰方得平和無恙此則未達方書而徃自誤
不可不戒也

前數條出鑿通予嘗熟讀以其暗與已合故錄之不忘
詩曰我思古人實獲我心此之謂也

一婦年三十餘十八胎九殯八夫復因驚過甚遂昏已不
省人事口唇舌皆瘡或至封喉下部白帶如注如此四
十餘日或時少醒至欲自縊自悲不堪或投涼劑解其

上則下部疾愈甚或投熱劑或以湯藥薰蒸其下則熱
暈欲絕脉之始知爲亡陽症也急以鹽煮六附子九錢爲
君制以薄荷防風佐以姜桂芎歸之屬水煎入井水冷
與之未盡劑鮮購通宵竟則能識人衆呀曰何術也鑿
曰方書有之假對假真對真爾上乃假熱故以假冷之
藥從之下乃真冷故以真熱之藥反之斯上下和而瘡
解矣續後再服調元氣藥乃生二子續後又病瘡一年
亦主以養元氣待飲食大進然後劫以毒藥吐下塊物
甚多後附子湯三錢而愈

此條亦出鑿通以其治病有法用藥有權可謂知通變
者也故錄之以爲法

一人四十餘色黃白季春感冒發汗過多遂患左脚腿散厥陰之分微腫而痛不能轉動鑿作陰毒治以灸灸予曰陰毒雖無肉變高焮之勢纏綿月餘內必有瘀膿令用毫針深探之惟黃水數點而已後又更鑿以鋒針于灸瘡內深入寸許則血大出認爲陰毒似有可疑吾以屬于筋痛經所謂筋痿者耶痿雖軟易其亦有痛者且其痛時遍身筋皆腫脹而右脚內廉筋亦急痛不能屈伸以此驗之筋痛可知矣經曰厥陰少血之經筋之所主過汗則亡血而筋失所養故急痛也腿散腫者蓋人身之血猶江河之水洪泛則流沙走石彼細流淺瀨則此阻彼礙而壅腫矣經曰怯者着而成病是也薰之脾胃太虛嘔逆噯氣飲食少進經曰胃者水谷之海脾主與胃與胃行其津液以養皮肉

筋脉今胃不受而脾不運筋脉愈失所養矣又曾加以灸砭焦骨傷筋復耗其血丹溪曰血屬陰難成易虧者也茲則針灸施則血虛耗矣歎其疾愈豈可得哉且經曰筋枯者牽動則痛是無血以養俱難治也所幸者精神尚好大便固秘夜卧安靜于此捷其脾胃使飲食進則血自生筋自舒腫退痛除庶或可愈其脉初皆細軟而緩按之無力予以獨參湯一兩一劑與之其効甚速予適他往更鑿復灸又用參芪煨木加涼劑胃氣遂不能回矣再診脉變爲滑數脉書言瘡科滑脉未潰宜內消已潰宜補益又曰數脉所主爲熱其症爲虛是脉與症皆屬于虛亦須大補托而出之治亦同法豈得岐而兩途病居疑似故詳辨之吾常見一婦產後遍身筋痛遂致不救是亦亡血故也

一兕年十一色白神怯七月間發熱連日父令就孝內外
俱勞瘁至熱熾頭痛正合補中益氣湯症失此不治以
致吐瀉食少其父知鑿乃進理中湯吐瀉少止漸次眼
合咽啞不言昏昧不省人事粥飲有礙手常搥住陰囊
為灸百會尾骶不應其父質于予予曰兕本氣怯又當
暑月過勞經曰勞則氣耗又曰勞倦傷脾即此觀之傷脾
之病也身熱者經曰陽氣者煩勞則張蓋謂氣本陽和
或勞煩則陽和之氣變為邪熱矣頭痛者經曰諸陽皆
會于頭今陽氣亢極則邪熱熏蒸于頭而作痛也吐瀉
者脾胃之清氣不升濁氣不降也目閉者蓋諸脉皆屬
于目而眼睜又脾所主脾傷不能營養諸脉故眼閉而
不開也咽啞者蓋脾之絡連舌本散舌下脾傷則絡失

養不能言也經曰脾胃者水穀之海五藏皆稟氣于脾
脾虛則五藏皆失所養故肺之咽啞為之不利而食難
咽故心之神明為之昏瞽而不知人常欲手搥陰囊者
蓋無病之人陰升陽降一有所傷則升者降者升經
曰陰陽反作是也是以陰升者降之其類而入厥陰之
囊因陰多陽少故手欲搥之也此皆脾胃之病經謂土
極似木亢則害承乃制也症似風木乃虛象耳不治脾
胃之士而治肝木之風故兕不死難矣且用參苓本各
三錢熟附一錢煎用匙灌半酒杯候看如何服後病無
進退連服二三日神稍清目稍開如有注意食仍難嚥
予為診之脉皆浮緩不及四至予曰藥病相宜再可減
去附子服之漸：稍甦初鑿或作風熱施治而用荊防

芩連蚤歇之類或作驚痰而用牛黃硃砂輕粉等藥此皆損胃之劑豈可接諸鬼今得生幸耳實賴其父之知鑿也或曰經云無伐天和其症又無四肢厥冷時當酷暑而用附子何也予曰參芪非附子無速効而經亦曰假者反之正如冬月而用承氣之類此亦捨時從症之意也

一婦年三十質脆弱產後咳嗽痰臭或作肺癰治愈劇延及兩脚漸腫至膝大便溏小腹脹痛午後發熱面紅氣促不能向右侧予診脈虛小而數予曰此咳嗽左右向不得眠者上氣促下泄泄者發熱不為瀉減者此皆病之反也按此皆原于脾經曰脾主諸臭入肺腥臭入心焦臭入肝腐臭自入為穢臭蓋脾不能運行其濕也鬱

為熱釀成痰而臭矣經曰左右者陰陽之道路也脾虛則肺金失養氣劣行滯壅遏道路故咳嗽氣促不能右侧也脾虛必奪母氣以自養故心虛發熱而見于午也脾主濕土勝則內滲為腸胃為瀉泄外滲于皮膚為痔腫令用參朮甘草補脾為君白朮茯苓滲濕為臣麥門冬以保肺氣酸棗仁以安心神為佐陳皮前胡以消痰下氣為使用東壁土以受陽光最多用之以為引用蓋土能解諸臭用以補土亦易為力矣此竊取錢氏黃土湯之義也服一帖前症畧減病者甚喜予曰未也數帖後無反復方是佳兆否則所謂過時失治後發寒熱真陽脫矣泄而脚腫脾氣絕矣何能收救予姪文煥妻亦患此鑿作肺癰治而用百合煎湯煮粥食之反劇予診

其脉細弱而緩治以參朮并溫等劑不二三貼而愈此由治之早也

一人年逾四十形肥色蒼因勞後入房感風夜半瘡作自汗寒少熱多一日一作整用清脾小柴胡四獸等劑不効漸至二日或三日一發予診左脉浮洪虛豁而數右脉虛小散數頭眩耳鳴四肢懶倦手足麻大便溏左脇瘡毋時或夢遺發則嘔吐多痰或辰或午發至酉戌乃退每至二十日連發二次子時發至離明其發微辰時發至酉戌其發如常予用參朮歸朮麥門知母厚朴陳皮大劑與之初服一劑痞塊反高小腹脹痛予曰藥若不瞑眩厥疾弗瘳再當服之數貼後脉皆稍靜不效病者曰脉平而病不減何也予曰瘡邪已深非數劑之藥且夕之功所能愈當久服待春

分陽氣發揚方得全愈苟惑人言而止藥不惟瘡不能止或癆或鼓難免後憂夫瘡因感風暑寒水而作也經曰皮膚之外腸胃之內氣血之所舍也氣屬陽風暑陽邪而中于氣血屬陰寒水陰邪而中于血先中陽邪後中陰邪則先寒後熱先中陰邪後中陽邪則先熱後寒陽邪多則熱多渴而有汗陰邪多則寒多而汗少氣血受邪而居于其舍悍衛之氣運行不息不受邪也日行陽二十五度夜行陰二十五度每一刻則周身一度行與邪遇則邪壅遏其道路故與相搏而瘡作也搏則一勝一負負則不與之搏而悍衛無碍故瘡止矣夫邪之盛衰因氣血之盛衰氣血盛邪亦盛氣血衰邪亦衰久則氣血衰或靜養二三日氣血復盛而邪亦盛悍衛行與之遇又復相抗而瘡作此瘡

每三十日速發二次者蓋二十八九三十日晦日也陰極陽生之時夜半微陽始生而力尚弱故瘡發亦輕辰則陽旺矣故瘡亦重此瘡所感陽邪居多故隨陽氣盛衰而為之輕重其三日一發者非入于藏也由氣血盛衰而然非若傷寒之傳經也或曰邪既因氣血而盛衰今補其氣血未免邪亦盛矣予曰邪之所湊其氣必虛氣血未補終未至于強捷強捷邪無容留矣經曰邪正不兩立是也

夫瘡三日一發丹溪以發日之辰分屬三陰而藥無三陰之別摠用撫芎當歸紅花蒼朮黃柏等藥掣起陽分瘡入陰分由陽虛陷入也須宜陽分助氣之藥加血藥引入陰分方可掣起專用血藥抵恐邪愈不陷何以能掣起哉

一人年十九面白質弱因作文過勞憂遠遂吐血疏許自是微欬倦弱後身忽大熱山疹疹愈陰囊痒甚搓擦水流敷以壁土囊腫大如盞許遂去上以五倍塗少蜜灸為末敷之遂愈因感風寒其嗽尤甚繼以左右脇痛予診脉虛而數見其畏風寒嘔息倦動糞溇氣促予曰此金極似火也夫心屬火而藏神腎屬水而藏志二經俱屬少陰而上下相通今勞思則神不寧而夢志不寧而遺遺則水不升而心火獨亢也肝屬木而藏血其象震震為雷心火既亢則同類相應引動龍雷之火載血而越出乎上竅矣肝脉環透陰器亦因火擾而痛痒腫脹也火勝金故肺金虛而乾欬皮毛為之合亦為火鬱而發疹大腸為之府故亦傳導失宜而糞澹然金虛不能平木故木火愈旺而凌脾脾虛

則嘔惡而食減經曰壯火食氣脾肺之氣為壯火所食故
倦于動作而易感風寒也經言兩脇者陰陽往來之道路
也為火阻礙則氣不利而痛矣然火有虛有實有似火而
實非火故經言有者求之無者求之虛者責之實者責之
此治火之六法也前病之火皆虛非水濕之可折伏惟其濕
之劑可以祛除譬之龍雷之火日出則自潛伏矣若用苦
寒降火正如雨驟雷烈而火愈熾盛矣世醫治火不惟不
求之有無虛實專用明鑿雜著致嗽吐紅皆屬陰虛悞服
參朮不救之語槩用滋陰等劑况此服滋陰藥已百餘貼
而病反劇豈可仍以陰虛治之耶且經言形寒飲冷則傷肺
又謂脾胃喜溫而惡寒今用甘溫健其脾則肺金不虛而咳
嗽氣促自愈肝木有制而脇痛吐血自除虛妄之火亦自

熄矣遂用參朮各四錢神曲山查各七分白朮貝母麥門
冬各一錢甘草五分炒乾姜四分煎服十餘貼脉數減嗽
少除精神稍健但後又適新婚不免耗損真陰將何以制
其虛妄之火耶蓋咳屬肺金數脉屬火欬而脉數火尅金也
冬月水旺而見數脉亦違時也大凡病見數脉多難治療
病久脉數尤非所宜此予所以深為之慮也

一婦年三十餘性躁多能素不孕育每啜粥長飯時或心痛
春正忽大作或作氣而用香燥或作痰而用二陳或作火
而用寒涼因糞結進潤腸丸遂泄不禁小便不得獨利又
發寒熱則欬痰不止寒則戰慄鼓額肌肉瘦削皮膚枯
燥月水不通食少惡心或煩燥而渴或昏上嗜卧或小腹
脹痛諸治罔效鑿皆視為死症詣請予往治之右脉浮大

弦數左脈稍歛而數熱來左右脈皆大而數寒來脈皆沉微似有似無經言脈浮爲虛脈大必病進丹溪謂脈大如葱管者大虛也經又謂弦脈屬木見于右手肝木尅脾土也又以數脈所主爲熱其症爲虛左脈稍歛者血分病輕也今患素長飯者是胃氣本弱矣心痛即胃脘痛由脾虛不運故胃脘之陽不降鬱滯而作痛也瀉泄不禁小便不得獨行者蓋陽主固且經言膀胱者津液之府氣化則能出矣今陽虛不固于內故頻泄也膀胱氣虛不化故小便不得獨行也又寒熱互發者蓋氣少不能運行而滯于血分故發熱血少不得流利而滯于氣分故發寒仲景曰陽入于陰則熱陰入于陽則寒是也寒則戰慄鼓頤者陰邪入于陽明也熱則咳痰不已陽邪入于陽明也此則陰陽兩虛故相

交併而然也肌肉瘦削者蓋脾主身之肌肉脾虛食少故瘦削也皮膚枯燥者經曰脾主于胃行其津液脾虛不能運行津液灌既于肌表故枯燥也月水不通者經曰二陽之病發心脾男子少精女子不月二陽手足陽明勝與胃也陽明虛則心脾皆失所養而血不生故不月也食少惡心躁渴嗜則皆脾胃所生之症也小腹脹痛者乃陽虛下陷候然也經曰陽病極而下是也乃用人參五錢黃芪四錢白朮三錢爲君升麻八分茯苓一錢猪苓澤泄各七分爲臣蒼朮五分香附七分爲佐歸身七分麥門冬一錢爲使煎服三貼不効一鑿曰此病不先驅邪一主于補所謂閉門留賊一曰此屬陰虛火動今不滋陰降火而徒補氣特見氣愈盛火愈熾矣風鑑相其夫曰奸門青白必主傷妻日

者推其命曰運限俱倒其死必矣其夫皺眉告予曰每日
扶之似身漸重皮枯黑燥恐不濟矣予思仲景有曰泄利
不止五藏之陽虛于內寒熱互發六府之陽虛于外是則
內外兩虛在法不治所恃者年尚壯能受補而矣但病家
寧可于死中求活豈可坐以待斃且補藥無速効今服藥
不滿四五劑即責以効豈王道之鑿乎因令勉服前藥六
七貼寒已除但熱不減汗出不至足令壺盛熱水蒸其足
汗亦過于委中矣續後前症漸減始有生意追思鑿謂不
先去邪者因其寒熱往來也然去邪不過汗吐下三法今
病自汗吐痰泄利三者俱矣再有何法而可施乎且病有
實邪有虛邪虛可補而實可瀉今病屬虛而以實邪治之
虛上之禍咎將誰歸一謂當滋陰降火因其月事不通病

矣殊不知滋陰降火皆甘寒苦瀉之劑今病食少泄利明
是脾虛且脾胃喜溫而惡寒今用于是寧不愈傷其胃而
益其泄乎吁危哉故不敢不辨

病用參芪論

門人 和溪程鑄廷彞撰

夫氣屬陽血屬陰陽衛于外陰守于中陽動陰靜動多則發泄而外虛靜多則神藏而內固外虛者邪易入內固者疾難攻故曰邪氣乘虛而入又曰邪之所湊其氣必虛是人之安危皆由陽氣之虛實也經曰陽精所降其人天陰精所奉其人壽蓋陽主發泄故皮膚腠豁而陽氣不藏所以多天陰主收斂故腠理閉密而陽不妄泄所以多壽是人之壽夭亦由陽氣之存亡也經曰無泄皮膚使氣亟奪又曰冬不按蹻無擾乎陽是聖人未常不保養其陽矣故仲景之傷寒東垣之脾胃皆以陽氣為主而參芪為所必用之藥也或曰參芪補陽經言陽常有餘而補之寧不犯實上之戒乎予曰慄悍之衛其氣不虛無待于補毋淺曰此氣若虛則一旦暴絕而死矣茲所補者乃榮中之衛其

氣曷常不虛經曰勞則氣耗悲則氣消又曰熱傷氣精食氣又曰壯火食氣非藉于補安能營運于外而為血所使哉參芪之補此營中之氣也補營之氣即補營也營者陰血也丹溪曰人身之虛皆陰虛者此也或曰慄悍之衛不受邪也仲景何謂寒傷營風傷衛乎余曰此亦指營中之衛也邪之所傷藥之所治皆此營衛耳或曰經言水之精氣為營上行脉中不能行於脉外無分晝夜周流不休定息數應漏刻属于陰也食之濁氣為衛上行脉外不能入于脉中晝但行陽二十五度夜則行陰二十五度不與營同道不與息數應属于陽也內經所論營衛如此未聞營中有衛也予曰內經所論以陰陽對待言特舉其大者耳細而分之營中亦自有衛也曰陽奇陰偶故悍衛為陽而奇營血属陰則兩也或曰營中之衛亦分晝夜内外乎余

曰無分晝夜而内外相通營行脉中而亦行于脉外凡皮膚有傷不待內及于經即便血出可見亦行於脉外矣衛行脉外亦行於脉中盖血属陰而主靜苟非氣貫其中安能周流而灌溉可見亦行於脉中矣或曰營中有衛有所本乎予曰本靈樞也靈樞曰人受氣於谷谷入于胃以傳于肺五臟六腑皆以受氣氣之清者為營濁者為衛營行脉中衛行脉外營周不休又曰其浮氣循于經者為衛氣其精氣行于經者為營氣又曰營衛者精氣也又曰營氣衛氣皆津液之所成是靈樞所言皆營衛同一氣營衛一氣則營中有衛可知矣故曰營與衛異名而同類是也內經分而言之則榮衛不同道靈樞合而言之則營衛同一氣也或曰經言其經氣多血少其經氣少血多亦此營衛耶余曰此指各經稟受氣血多少而言非此流行之營衛也營

衛流行安得行至某經而血加多行至某經而氣加少耶然營氣衛氣皆藉水谷而生故人絕水谷者死經曰脾胃者水谷之海但脾胃受傷不一經曰飲食傷脾又曰勞倦傷脾又曰憂思傷脾與夫房勞大怒大驚莫不皆傷脾與胃也是以諸病亦多生于脾胃此東垣所以拳上於脾胃也脾胃有傷非藉甘溫之劑烏能補哉經曰脾胃喜溫而惡寒參芪味甘性溫宜其為補脾胃之聖藥也脾胃無傷則水谷可入而營衛有所資元氣有所助病亦不生邪亦可除矣故諸病兼有嘔吐泄瀉痞滿食少怠倦嗜卧口淡無味自汗躄重精神不足懶于言語惡風惡寒等証皆脾胃有傷之所生也須以參芪為主其他諸証可隨証加入佐使以兼治之但佐使分兩不可過多于主藥耳或者病宜參芪有用之而反害者非參芪之過乃用者之過也如病宜

一兩祇用一錢而佐使分兩又過于參芪則參芪奪于群衆之勢弗得以專其功矣以此而歸咎于參芪寧不惑哉或者病危有用參芪無益者經曰神不使也夫藥氣賴神氣而為助病壞神離雖參芪亦無如之何矣又謂參芪性溫祇恐積溫成熟又謂參芪補氣尤恐氣旺血衰殊不知有是病用是藥有病則病氣當之何至於積溫成熟氣旺血傷乎且參芪性雖溫而用苓連以監之則溫亦從而輕減矣功雖補氣而用枳朴以制之則補性亦從而降殺矣慮其滯悶也佐之以辛散慮其助氣也輔之以消導則參芪亦莫能縱恣而逞其惡矣或曰吐血衄血血崩明是血病今見亦用參芪寧免血愈虛耶東垣曰脫血益氣古聖人之法也仲景曰陽旺則生陰靈樞曰上焦開發宣五谷味薰膚充身澤毛若霧露之溉是謂氣中焦受氣取汁變化而

亦是謂血是能生血可知矣且造化之理氣惟陽能生陰而陰不能生陽故血虛也仲景以人參補之血崩也東垣以參芪固之今之得醫道正傳者其治血病或用參芪蓋本於此夫豈率意而妄用哉予幸受業於石山汪先生見其所治之病多用參芪蓋以其病已嘗遍試諸藥歷嘗諸藥非發散之過則降泄之多非傷于剛燥則損于柔潤胃氣之存也幾希矣而先生最後至不得不用參芪以救其胃氣實出于不得已也非性偏也其調元固本之幾節宣監佐之妙又非庸輩可以測識是以往往得收奇効全功而人獲更生者率多以此或者乃謂其不問何病而專以參芪為劑是不知先生也予嘗得之于觀感之餘而心獨識之故筆之于篇誠恐或有所遺忘也若以此而語之人則必笑而且排謂予何愚之甚

附錄

石山居士傳

鏡山散人李汛彥夫撰

居士姓汪名機字省之其先出越國公華長子朗州法曹建之後四傳至璠者始遷古黟赤山鎮即今祁治石山也其後諱新一者元季復遷石山之南曰朴墅鄉人本其所自出尊之曰石山居士云居士性恬淡不喜奢靡動法古入一本於誠言出未嘗不踐平居粗衣糲食類儉者至義之所當為視棄百金如一羽耳其弟柱客死廣東海微命子吳往取具振備歷艱險始克柩歸而所費一無所問達祖墳墓失業他姓率眾復之費尤不較族人欲立宗祠籌之工鉅非白金六十斤餘不可眾難之居士即任十之二

曰尊祖敬宗又何惜焉于是衆皆趨赴不日而成處家庭
和易不苟人皆樂從如嫁娶喪祭並依家禮立規行二十
餘年罔有違者御傭工佃人俱有恩嘗戒其子弟曰民有
四業皆不可離義之一字其立心制行大畧如此早歲習
春秋經補邑庠弟子員屢試不利其考以望公喻之曰昔
范文正公嘗自禱曰不為良相願為良醫意謂仕而不至
于相則其澤之所及顧不若醫之博耳蓋翁嘗以醫活人
至數千指故以此喻居士悟即棄去科舉浮文肆力醫家
諸書參以周易及儒先性理奧論而融會於一皆餘醫所
未聞也其母孺人病頭痛嘔吐十餘年居士起之如故以
望公晚年三染疾亦三起之公曰醫力如此牲鼎何足羨

邪于是益加研究診治病者百試百中捷如桴鼓聲名益
彰遐邇以疾來請者無虛日居士隨請隨就不可起者直
告之不隱可起者竭力治之至忘寢食若王公貴人稍不
為禮不應也其自重又如此久之求者益衆所應益博活
人至數萬指都里姓名脉色及方症其徒調歷、紀之
為書曰石山醫按試畧言之郡侯張歎齋公年逾五十過
勞怠倦煩悶惡食不爽居士診之脉浮小濡緩曰此合東
垣勞倦傷脾之論也冬春宜做補中益氣湯例夏秋宜做
清暑益氣湯例依法守方服之良愈又常慮子遲居士復
為診之曰浮沉各得其位大小不踰其矩後當有子果如
所言歎呈坎羅斯聰年踰三十病中滿朝寬暮急屢醫不

效居士診視脉浮小而弦按之無力曰此病宜補以人參二錢白朮茯苓各一錢黃芩木通歸尾川芎各八分枳實陳皮各七分厚朴五分煎服且喻之曰初服畧脹久則寬矣彼疑氣無補法居士曰此世俗之言也氣虛不補則失其健順之常痞滿無從消矣經曰塞因塞用正治此病之法也服之果愈其弟斯俊形實而黑病欬痰少聲嘶間或咯血居士診之右脉大無倫時復促而中止左脉比右畧小而軟亦時中止曰此肺脾腎三經之病也蓋秋陽燥烈熱則傷肺加之勞倦傷脾脾為肺母母病而子失其所養女色傷腎腎為肺子子傷必盜母氣以自奉而肺愈虛矣法當從清暑益氣湯例而增減之以人參二錢或三錢

白朮白芍麥門冬茯苓各一錢生芩歸身各八分黃柏知母陳皮神曲各七分少加甘草五分煎服或曰明醫雜著云凡病喘欬欬血肺受火邪誤用參耆多致不救謂何曰醫者意也徒泥陳言而不知變為足以言醫人參雖溫雜于酸苦甘寒群隊藥中奪于衆勢非惟不能為害而反為之用矣孟子曰一薛居州獨如宋王何此之謂歟患者聞之喜曰非通儒者論不及此銳意煎服月餘而安羅汝聲年五十餘形瘦而黑理踈而澁忽病腹痛午後愈甚醫曰此氣痛也治以快氣之藥痛益加又曰午後血行陰分加痛者血滯于陰也煎以四物湯加乳沒服之亦不減詣居士診之脉浮細而結或五七至一止或十四五至一止經

論止脉漸退者生漸進者死今止脉頻則反輕踈則反重與脉經實相矛盾居士熟思少頃曰得之矣止脉踈而痛甚者以熱動而脉速頻而反輕者以熱退而脉遲故耳病屬陰虛火動無疑且察其病起於勞欲勞則傷心而火動欲則傷腎而水虧以人參白芍補脾為君熟芩歸身滋腎為臣黃柏知母麥門冬清心為佐山查陳皮行滯為使人乳童便或出或入惟人參漸加至四錢或五錢遇痛進之即愈或曰諸痛與瘦黑人及陰虛火動參者並在所禁今用之顧効謂何居士曰藥無常性以血藥引之則從血以氣藥引之則從氣佐之以熱則熱佐之以寒則寒在人善用之耳况人參不特補氣亦能補血故曰血虛氣弱當從

長沙而用人參是也所謂諸痛不可用人參者者以暴病形實者言耳羅君年踰五十氣血向衰矣不用補法氣何由行痛何由止經曰壯者氣行則愈是也或者唯唯臨河程正剛年三十餘形瘦躄弱忽病上吐下瀉勺水粒米不入口者七日自分死矣居士診脉八至一而數曰當仲夏而得是脉暑邪深入也上吐下瀉不納水穀邪氣自甚也宜以暑治焉或曰深居高堂暑從何入居士曰東垣云遠行勞倦動而得之為傷熱高堂大厦靜而得之為傷暑此正合靜而傷暑之論也但彼用溫熱以暑邪在表此則暑邪已深入矣變例而用清涼之劑可也遂以人參白虎湯進半杯良久再進一杯遂覺稍安家人皆大喜曰藥能起死回

生果然三服後減去石膏知母再以人參漸次加作四五錢黃栢陳皮麥門冬等隨所兼病而為佐使一月後平復如初程福仁躰肥色白年近六十痰喘聲如曳鋸夜不能卧居士診之脉浮洪六七至中或有一結曰喘病脉洪可治也脉結者痰礙經隧耳宜用生脉湯加竹瀝服之至十餘貼稍定患者嫌遲更醫服三拗湯猶以為遲益以五拗湯危矣其弟曰汪君王道醫也奈何欲速至此于是復以前方服至三四十貼病果如失一婦形肥色淡紫年幾三十艱于育子居士脉之兩尺脉皆沉微法當補血以形言之肥人氣虛亦當補氣遂令多服八物湯仍以補陰丸加參耆空腹吞之三月餘有孕復為診之兩尺如舊以理論

之孕不當有昔人云脉難盡憑殆此類與侍御槐塘景之形肥色黑素畏熱而好飲年三十餘忽病自汗如雨四肢俱痿且惡寒小便短赤大便或溏或結飲食亦減醫作風治用獨活寄生湯小續命湯弗效五月間居士往視脉沉細而數約有七至曰此痿症也丹溪云斷不可作風治經云痿有五皆起於肺熱只此一可便曉其治之法矣經又云治痿獨取陽明蓋陽明胃與大腸也胃屬土肺屬金大腸亦屬陽金金賴土生土虧金失所養而不能下生腎水水涸火盛肺愈被傷况胃主四肢肺主皮毛今病四肢不舉者胃土虧也自汗如雨者肺金傷也故治痿之法獨取陽明而兼清肺經之熱正合東垣清燥湯服百貼果

愈鄭村汪鈿長瘦體弱病左腹痞滿穀氣偏行于右不能
左達飲食減大便滯居士診其脉浮緩而弱不任尋按曰
此土虛木實也用人參補脾枳實泄肝佐以芍藥引金泄
木輔以當歸和血潤燥加厚朴陳皮以寬脹兼川芎山梔
以散鬱服十餘貼稍寬因糞結滯思飲人乳居士曰祗恐
大便滑耳果如言遂辭乳媪仍服前藥每貼加人參四五
錢後思香燥物曰脾病氣結香燥無忌也每日因食燥糞
一二十枚炙蒸餅十數片以助藥力年餘而安庠生羅君
輔年三十餘嘗因胃寒發熱醫用發表不愈繼用小柴胡
熱熾汗多遂昏昏憤憤不知其身之所在卧則如雲之停
空行則如風之飄毛兼又消穀善飢夢遺諸証居士觀其

形類肥者曰此內火燔灼而然虛極矣診其脉皆浮洪如
指曰脉經云脉不爲汗衰者死在法不治所幸者脉雖大
按之不鼓形雖長而色尚蒼可救也醫以外感治之所謂
虛其虛誤矣經云邪氣乘虛而入宜以內傷爲重遂以參
耆歸朮大劑少加桂附服十餘貼病減十之二三再除桂
附加芍藥黃芩復十餘貼病者始知身卧于床足履于地
自喜曰可不死矣服久果起槐充胡本修監生年踰三十
形肥色白酒中爲人折辱遂病心恙或持刀或踰垣披頭
大叫居士診之脉濡緩而虛按之不足曰此陽明虛也宜
變例以實之庶幾可安先有醫者已用二陳湯加紫蘇枳
殼等藥進二三貼矣聞居士言即厲聲曰吾治將瘥誰敢

奪吾功乎居士遂告回醫投牛黃清心丸如彈丸者三枚
初服頗快再服燥甚三服狂病倍發撫膺號曰吾熱柰何
急呼水救命家人守醫者言禁不與趨樓見神前供水一
盃一呷而盡猶未快也復趨廚房得水一桶滿意飲之狂
勢始減半其不死幸尔復請居士治之以參耆甘草甘温
之藥爲君麥門冬片黃芩甘寒之劑爲臣青皮疎肝爲佐
竹瀝清痰爲使芍藥茯苓隨其兼証而加減之酸棗生山
梔子因其時令而出入之服之月餘病遂輕然或目系漸
急即瞽昧不知人事良久復甦居士曰無妨此氣血未復
神志昏亂而然令其確守前方夜服安神丸朝服虎潛丸
以助其藥力年餘熟寢一月而瘥越十餘年因久坐

漸次痛延左脚及右脚又延及左右手不能行動或作風
治而用藥酒或作血虛而用四物湯一嚥即痛蓋覆稍熱
及用針砭痛益甚煎服熟地黃或吞虎潛丸又加右齒及
面痛甚季秋始請居士診之脉濡緩而弱左脉比右較小
或瀉尺脉尤弱曰此痿証也彼謂痿症不痛今以肢痛爲
痿惑也居士曰諸痿皆起于肺熱君善飲則肺熱可知經
云治痿獨取陽明陽明者胃也胃主四肢豈特脚邪痿兼
濕重者則筋緩而痿軟兼熱多者則筋急而作痛因檢瀟
泉翁傳示之始信痿亦有痛也又經云酒客不喜甘熱苦
味甘而虎潛丸益之以蜜則甘多助濕而動胃火故右齒
面痛也遂以人參二錢黃芪錢半白朮茯苓生地黃麥門

冬各一錢歸身八分黃栢知母各七分甘草四分煎服五貼病除彼遂棄藥季冬復病仍服前方而愈溪南吳道濟妻年踰三十無子診視其脉近和惟尺部覺洪滑耳問得何病曰子宮有熱血海不固尔道濟曰然每行人道經水則來乃喻以丹溪大補丸加山茱萸白龍骨止澁之藥以治其內再以亂髮灰白礬灰黃連五倍子為末用指點水染入陰戶以治其外依法治之果愈而孕吳得芳妻年逾五十病左脚膝牽痛不能履地夜甚于晝小腹亦或作痛診其脉浮細緩弱按之無力尺脉尤甚病屬血衰遂以四物湯加牛膝紅花黃栢烏藥連進十餘貼而安吳良鼎形瘦而蒼年逾二十忽病欬咯血兼吐黑痰醫用參朮之

劑病愈甚居士診之兩手寸關浮軟兩尺獨洪而滑此腎虛火旺而然也遂以四物湯加黃栢知母白朮陳皮麥門冬之類治之月餘尺脉稍平亦減依前方再加入參一錢兼服枳朮丸加入參山柰以助其脾六味地黃丸加黃栢以滋其腎半年全愈吳富孫之媳年幾三十因夫在外納寵過于憂鬱患欬嗽甚則吐食嘔血兼發熱惡寒自汗醫用葛氏保和湯不效居士診其脉皆浮濡而弱按之無力晨則近駛午後則緩曰此憂思傷脾病也脾傷則氣結而肺失所養故嗽家人曰神醫也遂用麥門冬片黃芩以清肺陳皮香附以散鬱人參黃耆芍藥甘草以安脾歸身阿膠以和血服數貼病稍寬後每貼漸加入參至五六

錢月餘而愈竦塘黃崇貴年三十餘病水腫面光如胞腹
大如箕腳腫如槌飲食減少居士診之脉浮緩而濡兩尺
充弱曰此得之酒色宜補腎水家人駭曰水勢如此視者
不曰通利則曰滲泄先生乃欲補之水不益劇耶曰經云
水極似土正此病也水極者本病也似土者虛象也今用
通利滲泄而治其虛象則下多亡陰滲泄耗腎是愈傷其
本病而增土濕之勢矣豈知亢則害承乃制之旨乎遂令
空腹服六味地黃丸再以四物湯加黃柏木通厚朴陳皮
參朮煎服十餘貼腫遂減半三十貼全愈侍御涇縣蕭君
言夫年逾五十患眩暈澀澀軀倦夢遺心跳通夜不寐易
感風寒諸藥俱不中病居士診之脉或浮大或小弱無常

曰此虛之故也丹溪云肥人氣虛宜用參耆又云黑人氣
實不宜用之果從形歟抑從色歟居士熟思之色雖黑而
氣虛當從形治遂以參耆為君白朮茯苓木通為臣山梔
子酸棗仁麥門冬為佐陳皮神曲為使煎服晨吞六味地
黃丸夜服安神丸逾年病安休寧程勇年三十餘久病癩
症多發于晨盥時或見如黃狗走前則昏昏仆地手足痠
痠不醒人事良久乃甦或作痰火治而用苓連二陳湯或
作風痰治而用全蝎姜蚕壽星丸或作痰迷心竅而用全
箔鎮心丹皆不中病居士診之脉皆緩弱頗弦曰此木火
乘土之病也夫早晨陽分而狗陽物黃土色胃屬陽土虛
為木火所乘矣經云諸脉皆屬於目故目擊異物而病作

矣理宜實胃瀉肝而火自息本草云泄其肝者緩其中遂以參耆歸朮陳皮神曲茯苓黃芩麥門冬荊芥穗煎服十餘貼病減再服月餘而安學士篁墩程先生形色清癯肌膚細白年四十餘患眩暈四肢倦怠夜寐心悸言亂或用加減四物湯甘寒以理血或用神聖復氣湯辛熱以理氣又或作痰火治或作濕熱治俱不効遣書請居士診之脉皆沉細不利心部散濇曰此陰脉也脾與心必因憂思所傷宜做歸脾湯例加以散鬱行濕之藥先生喜曰真切真切服數貼病果向安一夕因懊惱忽變急請診視脉三五不調或數或止先生以為怪脉居士曰此促脉也無足慮焉曰何如而脉變若此曰此必怒激其火然也先生哂曰

子真神人邪以淡酒調木香調氣散一匕服之其脉即如常以口孫以德形肥色紫年逾五十頸項少陽之分癭腫如梳居士診之脉浮小而滑乃語之曰少陽多氣少血之經宜補若用尋常驅熱敗毒之藥癭潰之後難免別患彼以為然遂煎參耆歸朮膏一二斤用茶調服無時蓋茶能引至少陽故也旬餘癭潰而起程貴英形長而瘦色白而脆年三十餘得奇疾遍身滯滯循行如虫或從左腳腿起漸次而上至頭復下于右腳自覺虫行有聲之狀召醫診視多不識其為何病居士往診其脉浮小而濡按之不足兼察其形視其色參諸脉知其為虛症矣傷寒論云身如虫行汗多亡陽也遂做此例而用補中益氣湯多加參耆

以酒炒黃柏五分佐之服至二三十貼遂愈孫景年二十
餘病欬嘔血盜汗或腸鳴作泄午後發熱居士往視其
脉細數無復倫次因語之曰難經云七傳者逆經傳也初
因腎水涸竭是腎病矣腎邪傳之于心故發熱而夜重心
邪傳之于肺故欬而汗泄肺邪傳之于肝故脇痛而氣
壅肝邪傳之于脾故腸鳴而作泄脾邪復傳于腎而腎不
能再受邪矣今病兼此數者死不出旬日之外矣果如期
而逝楚山汪盛妻年踰四十形色蒼紫忽病血崩諸醫莫
治或用涼血或用止澁罔效居士察其六脉皆沉濡而緩
按之無力以脉論之乃氣病非血病也當用甘溫之劑健
脾理胃庶幾胃氣上騰血循經絡無復崩矣遂用補中益

氣湯多加參耆蕪服參苓白朮散崩果愈汪氏子形瘦而
脆色白而嫩年踰二十將治裝他出居士診視良久乃語
之曰某時病將至矣書寸楮遺之蓋欲其止也彼不以爲
然後果如期病不起逢村王恕年二十餘因水中久立過
勞病疝痛時腹中有磊塊起落如滾滾其痛尤甚居士
診其脉皆弦細而緩按之似瀉曰此血病也考之方書疝
有七皆不宜下所治多用溫散之藥以和言也茲宜變法
治之乃用小承氣加桃仁下之其痛如矢三日痛復作以
前加甚脉之輕則弦大重則散瀉思之吳得其說問曾食
何物曰食雞卵二枚而已曰已得之矣今以指探喉中吐
出令盡而痛解矣黃豹年踰六十病氣喘顛謂其子曰頭

得石山先生來吾無憾矣其子夤夜昇至視其脉皆紫之
如蛛絲問曰吉凶何如居士久之若有難于言者彼悟曰
吾不濟矣是夜書訖標書五紙付其子而逝大坑方細形
瘦年三十餘忽病腹痛磊塊起落如波浪然晝輕夜重醫
用木香沉香磨服及服六君子湯皆不驗居士診其脉浮
緩弦小重按似濇曰此血病也前藥作氣治謬矣彼謂血
則有形發時雖有塊磊痛減則消而無跡非氣而何蓋不
知有形者血積也無形者血滯也滯視積畧輕耳安得作
氣論邪若然則前藥胡為不驗遂用四物湯加三稜蓬朮
乳香沒藥服之痛遂脫然一婦形長色紫姪五月矣托居
士脉之以別男女曰脉右大于左脉訣云左大為男右為

女今脉右大當是女邪彼則喜曰我男胎矣徃歲有姪時
尊甫先生診之亦謂右脉浮大當是女孕後生男今姪又
得是脉可知為男矣後果生男居士曰脉書但道其常莫
能盡其變此醫所以貴乎望聞問切也九江鈔廠主事鄭
君希大瘦長而色青白性急剛果年三十餘病反胃每食
入良久復出又嚼又嚥但不吐耳或作氣治而用丁香藿
香或作痰治而用半夏南星或作寒治而用姜附藥俱罔
効居士脉之皆緩弱稍弦曰非氣非痰亦非寒也乃肝凌
脾之病經云能合脉色可以萬全君面青性急肝木甚也
脉緩而弱脾土虛也遂用四君子湯加陳皮神曲少佐姜
炒黃連以泄氣逸服月餘而愈鈔廠陳庫子其父老年患

背癭居士診視脉洪緩而濡癭腫如椀皮肉不變按之不
甚痛微發寒熱乃語之曰若在臍胛經絡交錯皮薄骨高
之處則難矣今腫去胛骨下掌許乃太陽經分尚可治遂
用黃耆五錢當歸羌活甘草節各一錢元令以被蓋暖藥
熟熱服令微汗寢熟腫消一暈五服遂安時居士舟去半
日其子駕小艇載鵝米追及拜曰吾父更生故來謝耳居
士弟樟之妻瘦長色蒼年三十餘忽病狂言披髮裸形不
知羞惡衆皆謂為心風或欲飲以糞清或欲吐以痰藥居
士診其脉浮緩而濡乃語之曰此必忍飢或勞倦傷胃而
然耳經云二陽之病發心脾二陽者胃與大腸也忍飢過
勞胃傷而火動矣延及心脾則心所藏之神脾所藏之意

皆為之擾亂失其所依歸矣安得不狂內傷發狂陽明虛
也法當補之遂用獨參湯加竹瀝飲之而愈福州李俊年
三十餘忽病渴熱昏悶面赤倦怠居士診之脉皆浮緩而
弱兩尺尤甚曰此得之色欲藥宜溫熱其弟曰先生之言
誠是也但病熱如此復加熱藥惑矣居士曰經云寒極生
熱此症是也腎虛寒者本病也熱甚者虛象也譬之雷火
雨驟而火愈熾日出火斯滅矣遂以附子理中湯煎熟冷
服三貼熱渴減半再服清暑益氣湯十餘貼而安李一之
年近四十病反食與近鄰二人脉病頗同居士曰二人者
皆急于名利惟一之心寬可治遂以八物湯減地黃加藿
香為末用蜜韭汁調服而愈二人逾年果沒一之妻病痢

瘦弱久伏床枕粥食入胃即腹痛嘔吐必吐盡所食乃止
由是粒食不下嚙者四十餘日醫皆危之居士診曰病與
脉應無慮也不勞以藥惟宜飼以米飲使胃常得穀氣白
露節後病當獲安如期果愈其姪春年十七時秋間病酒
視為小恙居士診之曰脉危矣彼不為然別請醫治而愈
惟遍身瘡癩十月間復造詣之其姪出揖以示病已獲安
意謂向之診視欠精也復為診之曰不利于春至立春果
卒汪世昌形肥色紫年逾三十秋間病惡寒發熱頭痛自
汗惡心咯痰惡食醫以瘡治居士診之脉浮濡而緩右寸
畧弦曰非瘡也此必過勞傷酒所致飲以清暑益氣湯四
五服而愈九都許僖形魁偉色黑善飲年五十餘病衄如

注嗽喘不能伏枕醫以四物湯加麥門冬阿膠桑白皮黃
栢知母進之愈甚居士診之脉大如指脉訣云鼻衄失血
沉細宜設見浮大即傾危據此法不救所幸者色黑耳脉
大非熱乃肺氣虛也此金極似火之病若補其肺氣之虛
則火自退矣醫用寒涼降火之劑是不知素問亢則害承
乃制之旨遂用人參三錢黃耆一錢甘草白朮茯苓陳皮
神曲麥門冬歸身甘溫之藥進之一貼病減十貼病痊後
十餘年復診之語其子曰越三年壽止矣果驗一婦長瘦
色黃白性躁急年三十餘常患墮胎已七八見矣居士診
之脉皆柔軟無力兩尺雖浮而弱不伴尋按曰此因胎墮
太多氣血耗甚胎無所滋養故頻墮譬如水涸而禾枯土

削而未倒也况三月五月正屬少陽火動之時加以性燥而激發之故墮多在三五七月也宜大補湯去桂加黃柏黃芩煎服仍用研末蜜丸服之庶可保全服半年胎果固而生二子一婦年踰三十久瘡瘡止有姪五月忽病腹痛泄瀉頭痛發渴右脉浮滑左則細滑居士以四君子湯加石膏黃芩煎服二貼頭痛泄瀉雖除又加肛門脹急其夫欲用利藥居士曰耐煩二日候胃氣稍完然後以四物湯加酒大黃枳榔利三四行脹急稍寬再服枳朮丸加黃芩歸身一料病去而胎亦無損一女年十五病心悸常若有人捕之欲避而無所也其母抱之於懷數婢護之于外猶恐不能安寢醫者以為病心用安神丸鎮心丸四物

湯不効居士診之脉皆細弱而緩曰此膽病也用溫膽湯服之而安居士之甥王宦躰弱色脆常病腹痛惡寒發熱嘔泄踈卧時或吐虫至三五日或十數日而止或用丁沉作氣治或用姜附作寒治或用消尅作積治或用燥烈作痰治罔有効者居士診視脉皆濡小近駛曰察脉觀形乃氣虛兼鬱熱也遂用參耆歸朮川芎茯苓甘草香附陳皮黃芩芍藥服之而安又曰諸痛不可用參耆并酸寒之劑今犯之何也曰病久不鬱則生熱又氣屬陽為表之衛氣虛則表失所衛而賊邪易入外感激其內鬱故痛六作今用甘溫以固表則外邪莫襲酸寒以清內則鬱熱日消病由是愈胡本清甫形肥色紫年踰七十忽病瞢昧但

目系漸急即合眼昏情如瞌睡者頭面有所觸皆不避
頃而甦問之曰不知也一日或發二三次醫作風治病加
重居士診其脉病發之時脉皆結止甦則脉如常但浮虛
耳曰此虛病也蓋病發而脉結者血少氣劣耳甦則氣血
流通心志皆得所養故脉又如常也遂以大補湯去桂加
麥門冬陳皮補其血氣而安三子俱色庠生時欲應試而
懼居士曰三年之內保無恙也越此非予所知果驗石門
陳柰形短頗肥色白近蒼年踰二十因祈禱過勞遂病
手足瘳瘳如小兒發驚之狀五日勺水不入口語言艱澁或
作痰火治或作風症治皆不驗居士視之脉皆浮緩而濡
按之無力曰此因勞倦傷脾土極似木之病也經云亢則

害承乃制是矣夫五行自相制伏平和之時隱而不見一
有所負則所勝者見矣今病脾土受傷則土中之木發而
為病四肢為之瘳瘳也蓋脾主四肢風主動故也若作風
痰治之必致于死惟宜補其脾土之虛則肝木之風自息
矣遂以參朮為君陳皮甘草歸身為臣黃柏麥門冬為佐
經云泄其肝者緩其中故用白芍為使引金泄木以緩其
中一服踰宿遂起服至十餘貼全安陳校瘦長而腕暑月
過勞飢飲燒酒遂病熱汗昏情語亂居士視之脉皆浮小
而緩按之虛豁曰此暑傷心勞傷脾也蓋心藏神脾藏意
二藏被傷宜有此症法宜清暑以安心益脾以寧意遂用
八物湯加麥門冬山梔子陳皮煎服十餘貼而愈竹園陳

其形瘦而蒼年踰五十居士診視其脉皆弦澹而緩尺脉浮而無根曰天脉當沉而反浮所主腎水有虧其餘脉皆弦澹而緩者弦脉屬木澹為血少緩脉屬脾以脉論之似係血液枯槁而有肝木凌脾之病非膈則噎也問之胸膈微有礙曰不久膈病成矣病成非藥可濟後果病膈而卒陳銳面黑形瘦年三十餘患鼻衄發熱惡寒消穀善飢疲倦或自汗嘔吐居士診之脉細且數約有六至曰丹溪論瘦黑者鼻衄者脉數者參耆皆所當禁固也然不可執為定論脉經云數脉所主其邪為熱其症為虛宜人參三錢黃耆二錢生甘草陳皮黃柏白朮歸身生地黃山梔子生芍藥通為佐使服之果安南畿提學黃公年四十餘瘦精

久之神不守舍夢亂心跳用清心連子飲無効又取袖珍方治小便出髓條藥服之又服小兒絲子丸又服四物加黃柏俱無効居士診視一日之間其脉或浮澹而駛或沉弱而緩曰脉之不常虛之故也語曰無形之虛而為盈難乎有恒此之謂乎其症初因腎水有虧以致心火亢極乘金木寡于畏而侮其脾此心脾腎三經之病也理宜補脾為主兼之滋腎養心病可痊也方用人參為君白朮茯苓神麥門冬酸棗仁山梔子生甘草為佐蓮肉山查黃柏陳皮為使其他牡蠣龍骨川芎白芍熟苳之類隨其變症而出入之且曰必待人參加至五錢病脫公聞言疑信相半服二十餘日人參每服用至三錢瘦精覺減半矣又月餘

人參加至五錢病全減公大喜曰初謂人參加至五錢病脫果然醫其神乎凡此皆活法非定方也其妙如此殆非心通造物而執其死生之柄者歟居士所著有重集脉訣刊誤二卷內經補註若干卷本草會編若干卷惠及後學尤為不淺然非通儒者敢望其門墻也哉

論曰醫之用藥如將之用兵苟非其人則殺傷衆矣悲夫昔鄧禹常嘆曰吾統百萬之衆未嘗妄殺一人後世必有興者居士不惟不誤殺而已且能起病之垂死者無慮數千百人其子孫又當何如雖然居士有道者豈為是而為之者邪 右傳借觀者衆因不能應故共與梓

嘉靖二年四月望日門人

調郵謹識

附錄

辨明醫雜著忌用參耆論

按汝言王公撰次明醫雜著其中有曰若酒色過度傷損肺腎真陰欬嗽吐痰衄血咳血咯血等症此皆陰血虛而陽火旺也宜甘苦寒之藥生血降火若過服參耆等甘溫之藥則死不可治蓋甘溫助氣氣屬陽陽旺則陰愈消故也又云欬嗽見血多是肺受熱邪氣得熱而變為火火盛而陰血不寧從火上升治宜滋陰瀉火忌用人參等補氣之藥又撰次本草集要云人參入手太陰而能補火故肺受火邪欬嗽及陰虛火動勞嗽吐血者忌用之誤用多致不效予常考其所序固皆本之丹溪然丹溪予無間然矣

而王氏未免有可議者丹溪曰治病必分血氣氣病補血雖不中病亦無害也血病補氣則血愈虛散矣此所以來王氏陽旺則陰愈消之說也丹溪又曰補氣用人參然蒼黑人多服之恐反助火邪而燦真陰此所以又來王氏欬嗽見血多是火盛陰虛忌用人參補氣之論而集要復有人參補火肺受火邪勞嗽吐血等症忌用人參之戒也夫王氏之言雖出丹溪但過于矯揉而又失之于偏也不曰誤服參者多致不救則曰多服參者死不可治言之不足又復申之惟恐人以欬嗽失血為氣虛不作陰虛主治也篇末雖曰亦有氣虛欬血之言又恐人因此言復以欬嗽失血為氣虛故即繼之曰但此症不多爾是以愈來後人

之惑使凡遇欬血雖屬氣虛終以前言為主而參者竟莫敢用也殊不知丹溪立法立言活潑潑地何嘗滯于一隅于此固曰血病忌用參者于他章則又曰虛火可補參木生甘草之類又曰火急甚者兼瀉兼緩參木亦可是丹溪治火亦未嘗廢人參而不用王氏何獨但知人參補火而不知人參能瀉火邪丹溪又曰陰虛喘嗽或吐紅者四物加人參黃栢知母五味麥門冬又曰好色之人元氣虛欬嗽不愈瓊玉膏肺虛甚者人參膏凡此皆酒色過傷肺腎欬嗽吐血症也丹溪亦每用人參治之而無疑王氏何獨畏人參如虎邪叮嚀告戒筆不絕書宜乎後人印定耳目確守不移一遇欬嗽血症不問人之勇怯症之所兼動以

王氏藉口更執其書以證致使良工為之掣肘病雖宜用亦不敢用惟求免夫病家之怨尤耳病者亦甘心忍受苦寒之藥繼至上吐下瀉去死不遠亦莫知其為藥所害與言及此良可悲哉茲取丹溪嘗治驗者以證之一人欬嗽惡寒胸痞口乾心微痛脉浮緊而數左大于右蓋表盛裏虛聞其素嗜酒肉有積後因行房涉寒冒雨忍飢繼以飽食先以人參四錢麻黃連根節錢半與二三貼嗽止寒除改用厚朴青陳皮瓜蒌半夏為丸參湯送下二十服而瘥除夫既欬嗽嗜酒不可謂肺無火也復因行房感冒不可謂陰不虛也初服人參四錢再用參湯送藥不可謂不多服也何如不死又一人患乾欬嗽聲啞用人參橘紅絡錢

半夏麩錢白木錢知母瓜蒌桔梗地骨皮絡五夏加黃芩分五入姜煎仍與四物加炒蘗童便竹瀝姜汁二藥晝夜相間服兩月聲出而愈夫患乾欬嗽聲啞不可謂肺無火邪也不可謂陰不受傷也服人參兩月不可謂不多也又何如不死又一壯年因勞倦不得睡欬痰如膿聲不出時春寒醫與小青龍湯喉中有血絲腥氣逆上漸有血線自口右邊出晝夜十餘次脉弦大散弱左大為甚此勞倦感寒強以辛甘燥熱之劑動其血不治恐成肺痿遂以參耆歸木芍藥陳皮生甘草帶節麻黃煎入藕汁服二日嗽止去麻黃與四日血除但脉散未收食少倦甚前藥除藕汁加黃芩砂仁半夏半月而愈夫欬痰如膿聲不出者不可謂

肺不熱也又以甘辛燥熱動其血不可謂血不病也服參者亦不可謂不多也又復何如而不死凡此諸病以王氏言之未免皆作酒色傷陰而用滋陰瀉火之藥然而丹溪率以參耆等劑治之而愈並不見其助火增病者蓋病有所當用不得不用也雖勞嗽吐紅亦有所不避也且古今治勞莫過于葛可久其保真湯獨參湯何嘗廢人參而不用但詳其所挾之症何如耳豈可謂其甘溫助火一切棄而不用哉肺受火邪忌用人參其原又出于海藏本草液之所云而丹溪實繹其義不意流弊至于如此又嘗因是而推廣之丹溪曰蒼黑之人多服參耆恐助火邪而燥真陰肥白之人多服最好此固然矣考其嘗治一人形瘦色

黑素多酒不困年半百有別館一日大惡寒發戰言渴不飲脉大而弱右關稍實畧數重則瀉以王氏觀之以形色論之正合滋陰瀉火之法而丹溪謂此酒熱內鬱不得外泄由表熱而虛也用黃耆二乾葛兩煎飲之大汗而愈既不以蒼黑忌用參耆為拘亦不以酒色傷陰忌服參耆為禁是知丹溪立言以示人者法之常施治而不以法為拘者善應變也王氏但知其立法之常而未察其治不以法為拘之變故於參耆等劑每每畏首畏尾若不敢投蓋亦未之考也雜著所制諸方雖未嘗盡廢參耆察其用處必須脉之細微而遲者方始用也然而東垣丹溪之用參耆亦不專在于此東垣曰血虛脉大症象白虎誤服白虎湯

者必死乃用黃耆錢當歸錢名曰當歸補血湯以治之是
血虛脉大東垣亦嘗用黃耆矣丹溪曰一人滯下一夕昏
仆目上視溲注汗泄脉大無倫此陰虛陽暴絕也蓋得之
病後酒色急灸氣海服人參數斤而愈是陰虛脉大丹溪
亦嘗用人參矣豈必脉之細微遲者而後用哉考之本草
仲景治亡血脉虛以人參補之取其陰生于陽甘能生血
故血虛氣弱仲景以人參補之是知人參不惟補氣亦能
補血况藥之為用又無定體以補血佐之則補血以補氣
佐之則補氣是以黃耆雖專補氣以當歸引之亦從而補
血矣故東垣用黃耆六錢只以當歸一錢佐之即名曰補
血湯可見黃耆功力雖大分兩雖多為當歸所引不得不

從之補血矣矧人參功兼補血者邪人參性味不過甘温
非辛熱比也稍以寒涼佐之必不至助火如此之甚雖曰
積溫成熟若中病即已亦無是也夫芎歸味辛甘温世或
用治勞熱血虛之病並無所疑然辛主耗散本非血虛所
宜彼人參雖甘温而味不辛比之芎歸孰輕而孰重哉抑
旁嗽吐血陰虛之病亦有始終不用人參莫克全其生者
何也或肉食不節則古人所謂厚味屠熱也或房勞不遠
則古人所謂縱欲傷生也二者不謹而獨致畏于人參是
謂不能三年之喪而總小功之察何其謬邪噫醫之用藥
固所當審不可輕視人之死生如欬嗽失血等症若果脾
胃強健飲食無阻則當從王氏所論與之滋陰瀉火固無

不可設或上煎詎逆中妨飲食下生泄洩汗自泄而洗洗
惡寒四肢倦而兀兀多睡則又當從陰虛陽虛權其輕重
而兼治之可也苟不知此而專主乎王氏未免陷于一偏
而有無窮之患矣故予不得不極論之莫辭乎僭踰之罪
焉

正德庚辰二月朔旦新安祁門省官之撰